



宋板  
翻刻  
儀禮經傳續  
四



12  
2905  
4  
25



12  
2905  
4

儀禮經傳續卷第十七

特牲饋食禮

經十五

祭禮

御豐  
出

持牲饋食之禮不諏日及筮日主人冠端玄即位于  
門外西面子姓兄弟如主人之服立于主人之南西  
面北上有司群執事如兄弟服東面北上席于門中  
闈西闈外筮人取筮于西塾執之東面受命于主人  
宰自主人之左贊命命曰孝孫某筮來日某諏此某  
事適其皇祖某子尚饗筮者許諾還即席西面坐卦  
者在左卒筮寫卦筮者執以示主人主人受視反之  
筮者還東面長占卒告于主人占曰吉若不吉則筮



去五味均平藏



遠日如初儀宗人告事畢

右筮日

前期三日之朝筮尸如求日之儀命筮曰孝孫某諏此某事適其皇祖某子筮某之某為尸尚饗

右筮尸

乃宿尸主人立于尸外門外子姓兄弟立于主人之後北面東上尸如主人服出門左西面主人辟皆東面北上主人再拜尸答拜宗人擯辭如初卒曰筮子為某尸占曰吉敢宿祝許諾致命尸許諾主人再拜稽首尸入主人退

右宿尸

宿賓賓如主人服出門左西面再拜主人東面答再拜宗人擯曰某薦歲事吾子將泣之敢宿賓曰某敢不敬從主人再拜賓答拜主人退賓拜送

右宿賓

厥明夕陳鼎于門外北而北上鬻櫛在其南南順實馱于其上東首牲在其西北首東足設洗於阼階東南壺禁在東序豆邊鉶在東房南上几席兩敷在西堂主人及子姓兄弟即位于門東如初賓及眾賓即位于門西東面北上宗人祝立于賓西北東面南上主人再拜賓答再拜三拜眾賓眾賓答再拜主人揖入兄弟從賓及眾賓從即位于堂下如外位宗人升

自西階視壺濯及豆籩反降東北面告濯具賓出主人出皆復外位宗人視牲告克雍正作豕宗人舉獸尾告備舉鼎鼎告絜請期曰羹飪告事畢賓出主人拜送

右陳鼎拜賓視牲告期○記設洗南北以堂深東西當東榮水在洗東篚在洗西南順實二爵二觚四觶一角一散壺於禁饌于東序南順覆兩壺焉蓋在南明日卒奠冪用綌即位而徹之加勺夙興主人服如初立于門外東方南面視側殺主婦視饔饗于西堂下享于門外東方西面北上羹飪實鼎陳于門外如初尊于戶東玄酒在西實豆籩陳

于房中如初執事之俎陳于階間二列北上盛兩敦陳于西堂藉用萑几席陳于西堂如初尸盥匱水實于槃中簞巾在門內之右祝筵凡于室中東面主婦纒笄宵衣立于房中南面主人及賓兄弟羣執事即位于門外如初宗人告有司具主人拜賓如初揖入即位如初佐食北面立於中庭

右祭曰夙興主人主婦陳設拜賓即位○記特牲饋食其服皆朝服玄冠緇帶緇鞞唯尸祝佐食玄裳黃裳雜裳可也皆爵鞞○牲饗在廟門外東南魚腊饗在其南皆西面饔饗在西壁○籩中以綌也纁裏棗永栗擇○劔笔用苦若微皆有滑夏葵

冬首

主人及祝升祝先入主人從西面于戶內主婦盥于房中薦兩豆葵菹蝸醢醢在北宗人遣佐食及執事盥出主人降及賓盥出主人在右及佐食舉牲鼎賓長在右及執事舉魚腊鼎除鼎宗人執畢先入當阼階南面鼎西面錯右人抽局委于鼎北替者錯俎加七乃牝佐食升所俎鼎之設於阼階西卒載加七于鼎主人升入復位俎入設于豆東魚次腊持于俎北主婦設兩敦黍稷于俎南西上及兩鉶芼設于豆南南陳祝洗酌奠奠于鉶南遂命佐食啓會佐食啓會即于敦南出立于西南面主人再拜稽首祝在左

祝主人再拜稽首

右主人主婦及祝佐食陳設陰厭○記棘心七刻○凡祝呼佐食許諾○所俎心舌皆去本末午割之實于牲鼎載心立舌縮俎

祝迎尸于門外主人降立于阼階東尸入門左北面盥宗人授巾尸至于階祝延尸尸升入祝先主人從尸即席坐主人拜安尸尸答拜執奠祝饗主人拜如初祝命接祭尸在執解右取菹揆于醢祭于豆間佐食取黍稷肺祭授尸尸祭之祭酒啐酒告旨主人拜尸奠饌答拜祭鉶嘗之告旨主人拜尸答拜祝命爾敦佐食爾黍稷於席上設大羹湑于醢北舉肺脊以

授尸尸受振祭齊之左執之乃食食舉主人羞所俎  
于腊北尸三飯告飽祝備主人拜佐食舉幹尸受振  
祭齊之佐食受加于所俎舉獸幹魚一亦如之尸實  
舉于菹豆佐食羞庶羞四豆設于左南上有醢尸又  
三飯告飽祝備之如初舉骼及獸魚如初尸又三飯  
告飽祝備之如初舉肩及獸魚如初佐食盛所俎俎  
釋三个舉肺脊加于所俎反黍稷于其所主人洗角  
升酌醕尸尸拜受主人拜送尸祭酒啐酒賓長以肝  
從尸左執角右取肝授于鹽振祭齊之加于菹豆卒  
角祝受尸角曰送爵皇尸卒爵主人拜尸答拜  
右迎尸正祭○記沃尸盥者一人奉幣者東面執

匱者西面淳沃執巾者在匱北宗人東面取巾振  
之三南面授尸卒執巾者受○尸入主人及賓皆  
辟位出亦如之○尸俎右肩臂臠胙正脊二骨  
橫脊長脅二骨短脅膚三離肺一刊肺三魚十有  
五腊如牲骨

祝酌授尸尸以醋主人主人拜受角尸拜送主人退  
佐食授接祭主人坐左執角受祭祭之祭酒啐酒進  
聽嘏佐食搏黍授祝祝授尸尸受以菹豆執以親嘏  
主人主人左執角再拜稽首受復位詩懷之實于左  
袂挂于季指卒角拜尸答拜主人出寫齋于房祝以  
籩受

右尸醋主人

筵祝南面主人酌獻祝祝拜受角主人拜送設菹醢  
俎祝左執角祭豆興取肺坐祭齊之興加于俎坐祭  
酒啐酒以肝從祝左執角右取肝揆于鹽振祭齊之  
加于俎卒角拜主人答拜受角酌獻佐食佐食北面  
拜受角主人拜送佐食坐祭卒角拜主人答拜受角  
降反于篚升入復位

右主人獻祝佐食○記祝俎髀脰脊二骨脅二骨  
膚一離肺一○佐食俎彘折脊脅膚一離肺一

主婦洗爵于房酌亞獻尸尸拜受主婦北面拜送宗  
婦執兩籩戶外坐主婦受設于敦南祝贊籩祭尸受

祭之祭酒啐酒兄弟長以燔從尸受振祭齊之反之  
羞燔者受加于所出尸卒爵祝受爵命送如初

右主婦亞獻尸

酢如主人儀主婦適房南面佐食接祭主婦左執爵  
右撫祭祭酒啐酒入卒爵如主人儀

右尸酢主婦

獻祝籩燔從如初儀及佐食如初卒以爵入于房

右主婦獻祝及佐食

賓三獻如初燔從如初爵止

右賓長獻尸爵止

席于戶內主婦洗爵酌致爵于上主人拜受爵主婦

拜送爵宗婦贊豆如初主婦受設兩豆兩籩俎入設  
主人左執爵祭薦宗人贊祭奠爵興取肺坐絕祭齊  
之興加于俎坐挽手祭酒啐酒肝從左執爵取肘換  
于鹽坐振祭齊之宗人受加于俎燔亦如之興席末  
坐卒爵拜主婦答拜受爵酌醋左執爵拜主人答拜  
坐祭立飲卒爵拜主人答拜

右主婦致爵于主人受爵酌醋○作俎臂正脊二  
骨橫脊長脅二骨短脅膚一離肺一

主婦出反于房主人降洗酌致爵于主婦席于房中  
南面主婦拜受爵主人西面答拜宗婦薦豆俎從獻  
皆如主人主人更爵酌醋卒爵降實爵于篚入復位

右主人致爵于主婦更爵酌醋○記主婦俎殼折  
其餘如昨俎

三獻作止爵尸卒爵酌獻祝及佐食洗爵酌致于  
主人主婦燔從皆如初更爵酌于主人卒復位

右賓作尸止爵及獻祝佐食主人主婦等

主人降階階西面拜賓如初洗賓辭洗卒洗揖讓升  
酌西階上獻賓賓北面拜受爵主人在右答拜薦脯  
醢設折俎賓左執爵祭豆奠爵興取肺坐絕祭齊之  
興加于俎坐挽手祭酒卒爵拜主人答拜受爵酌酢  
奠爵拜賓答拜主人坐祭卒爵拜賓答拜揖執祭以  
降西面奠于其位位如初薦俎從設衆賓升拜受爵



坐祭立飲薦俎設于其位辯主人備答拜焉降實爵于篚

右獻賓及眾賓○記賓與長兄弟之薦自東房其餘在東堂○公有司門西北面東上獻次眾賓私臣門東北面西上獻次兄弟升受降飲宗人獻與旅齒於眾賓佐食於旅齒於兄弟○賓饜長兄弟及宗人折其餘如佐食俎眾賓及眾兄弟內賓宗婦若有公有司私臣皆殺胾膚一離肺一

尊兩壺於阼階東加勺南枋西方亦如之主人洗解酌于西方之尊西階前北面酬賓賓在左主人奠解拜賓答拜主人坐祭卒解拜賓答拜主人洗解賓辭

主人對卒洗酌西面賓北面拜主人奠解于薦北坐取解還東面拜主人答拜賓奠解于薦南揖復位

右堂下設尊酬賓賓奠解

主人洗爵獻長兄弟于阼階上如賓儀洗獻眾兄弟如眾賓儀

右堂下獻長兄弟眾兄弟○記長兄弟及宗人折其餘如佐食俎眾兄弟若有公有司私臣皆殺胾膚一離肺一○賓與長兄弟之薦自東房其餘在東堂○私臣門東北面西上獻次兄弟

洗獻內兄弟于房中如獻眾兄弟之儀主人西面答拜更爵酢卒爵降實爵于篚入復位

右獻內賓宗婦于房中○記尊壺于房中西牖下  
南上內賓立于其北東面南上宗婦北堂東面北  
上○內賓宗婦皆敎胥膚一離肺一○宗婦贊薦  
者執以坐于戶外授主婦  
長兄弟洗觶為加爵如初儀不及佐食洗致如初無  
從

右長兄弟為加爵

眾賓長為加爵如初爵止

右眾賓長為加爵爵止

嗣舉奠盥入北面再拜稽首尸執奠進受復位祭酒  
卒酒尸舉肝舉奠左執觶再拜稽首進受肝復位坐

食肝卒觶拜尸備答拜馬舉奠洗酌入尸拜受舉奠

答拜尸祭酒啐酒奠之舉奠出復位

右嗣舉奠○記嗣舉奠位食設豆鹽

兄弟弟子洗酌于東方之尊降階前北面舉觶十長

兄弟如主人酬賓儀

右弟子舉觶于長兄弟

宗人告祭胥乃羞賓坐取觶降階前北面酬長兄弟

長兄弟在右賓奠觶拜長兄弟答拜賓立卒觶酌于

其尊東面立長兄弟拜受觶賓北面答拜揖復位長

兄弟西階前北面眾賓長左受旅如初長兄弟卒觶

酌于其尊西面立受旅者拜受長兄弟北面答拜揖

復位衆賓及衆兄弟交錯以辯皆如初儀為加爵者  
作止爵如長兄弟之儀長兄弟酬賓如賓酬兄弟之  
儀以辯卒受者實解于篚賓弟子及兄弟弟子洗各  
酌于其尊中庭北面西上舉觶于其長奠觶拜長皆  
各拜舉觶者祭卒觶拜長皆各拜舉觶者洗各酌于  
其尊復初位長皆拜舉觶者皆奠觶于薦否長皆執  
以興舉觶者皆復位各拜長皆奠觶于其所皆揖其  
弟子弟子皆復其位爵皆無筭

右旅酬及無筭爵○記宗人獻與旅齒于衆賓佐  
食於旅齒於兄弟○主婦及內賓宗婦亦旅西面  
利洗散獻于尸酢及祝如初儀降實散于篚主人出

立于戶外西南

右尸卒食○記尸卒食而祭饔饗雍饗

祝東面告利成尸設祝前主人降祝反及主人入復  
位命佐食徹尸俎俎出于廟門

右事尸禮畢○記賓從尸俎出廟門乃反位

徹庶羞設于西序下筵對席佐食分簋鉶宗人遣舉  
奠及長兄弟盥立于西階下東面北上祝命嘗食養  
者舉奠許諾升入東面長兄弟對之皆坐佐食授舉  
各一膚主人西面再拜祝曰養有以也兩養奠舉于  
俎許諾皆各拜若是者三皆取舉祭食祭舉乃食祭  
鉶食舉卒食主人降洗爵宰贊一爵主人升酌酌上

儀禮經傳續卷第十七  
十一  
暮上暮拜受爵主人答拜酌下暮亦如之主人拜祝  
曰酌有與也如初儀兩暮執爵拜祭酒卒爵拜主人  
答拜兩暮皆降實爵于篚上暮洗爵升酌酢主人主  
人拜受爵上暮即位坐答拜主人坐祭卒爵拜上暮  
答拜受爵降實于篚主人出立于戶外西面

右暮

祝命徹昨俎豆遷設于東序下祝執其俎以出東面  
于戶西宗婦徹祝豆遷入于房徹主婦薦俎

右徹俎將用之為燕

佐食徹尸薦俎敦設于西北隅凡在南廡用筵納一  
尊佐食闔牖戶降祝告利成降出主人降即位宗人  
告事畢賓出主人送于門外再拜佐食徹昨俎堂下  
俎畢出

右設饌西北隅陽厭

儀禮經傳續卷第十七

儀禮經傳續卷第十八

少牢饋食禮

祭禮二

經十六

少牢饋食之禮日用丁巳筮甸有一日筮于廟門之外主人朝服西面于門東史朝服左執筮右抽上韉兼與筮執之東面受命于主人主人曰孝孫某來日丁亥用薦歲事于皇祖伯某以某妃配某氏尚饗史曰諾西面于門西抽下韉左執筮右執韉以擊筮遂述命曰假爾大筮有常孝孫某來日丁亥用薦歲事于皇祖伯某以某妃配某氏尚饗乃釋韉立筮卦者在左坐卦以木卒筮乃書卦于木示主人乃退占

皇禮田中

吉則史韜筮史兼執筮與卦以告于主人占曰從乃  
官戒宗人命滌宰命為酒乃退若不吉則及遠日又  
筮日如初

右卿大夫祭前十日先筮日

宿前宿一日宿戒尸明日朝筮尸如筮日之禮命曰  
孝孫某來日丁亥用為歲事于皇祖伯某以某妃配  
某氏以某之某為尸尚饗筮卦占如初吉則乃遂宿  
尸祝擯主人再拜稽首祝告曰孝孫某來日丁亥用  
薦歲事于皇祖伯某以某妃配某氏敢宿尸拜許諾  
主人又再拜稽首主人退尸送揖不拜若不吉則遂  
改筮尸

右筮尸宿尸及宿諸官

既宿尸反為期于廟門之外主人門東南面宗人朝  
服北面曰請祭期主人曰比於子宗人曰日明行事  
主人曰諾乃退

右宗人請祭期

明日主人朝服即位于廟門之外東方南面宰宗人  
西面北上牲北首東上司馬刲羊司士擊豕宗人告  
備乃退雍人概鼎七俎于雍爨雍爨在門東南北上  
廩人概甑七與敦于廩爨廩爨在雍爨之北司宮  
概豆籩勺爵觚解凡洗篚于東堂下勺爵觚解實于  
篚卒概饌豆籩與篚于房中放于西方設洗于阼階

東南當東榮

右視殺視濯

羹定雍人陳鼎五三鼎在羊鑊之西二鼎在豕鑊之西司馬升羊右胖髀不升肩臂臠膊骼正脊一脰脊一橫脊一短脊一正脊一代脊一皆二骨以並腸三胃三舉肺一祭肺三實于一鼎司士升豕右胖髀不升肩臂臠膊骼正脊一脰脊一短脊一正脊一代脊一皆二骨以並舉肺一祭肺三實于一鼎雍人倫膚九實于一鼎司士又升魚腊魚十有五而鼎腊一純而鼎腊用麋卒胥皆設局審乃舉陳鼎于廟門之外東方北面北上司宮尊兩甒于房戶之間同撝皆有

冪甒有玄酒司宮設壘水于洗東有料設篚于洗西南肆改饌豆籩于房中南面如饋之設實豆籩之實小祝設槃匱與篋巾于西階東

右實鼎及豆籩槃匱等

主人朝服即位于阼階東西面司宮筵于奧祝設几于筵上右之主人出迎鼎除鼎士盥舉鼎主人先入司宮取二勺于篚洗之兼執以升乃啓二尊之蓋冪奠于撝上加二勺于尊覆之南柄鼎序入雍正執一匕以從雍府執四匕以從司士合執二俎以從司士贊者二人皆合執二俎以相從入陳鼎于東方當序南于洗西皆西面北上膚為下匕皆加于鼎東祛俎

皆設于鼎西西肆所俎在羊俎之北亦西肆宗人遣  
賓就主人皆盥于洗長北佐食上利升宰心舌載于  
所俎心皆安下切上午割勿沒其載于所俎末在上  
舌皆切本末亦午割勿沒其載于所橫之皆如初為  
之于爨也佐食遷所俎于阼階西西縮乃反佐食二  
人上利升羊載心脾髀不升肩臂臑膊骨正脊一脰  
脊一橫脊一短脅一正脅一代脅一皆二骨以並臑  
三胃三長皆及俎拒舉肺一長終肺祭肺三皆切肩  
臂臑膊骨在兩端脊脅肺肩在上下利升豕其載如  
羊無腸胃體其載于俎皆進下司士三人升魚腊膚  
魚用鮒十有五而俎縮載右首進腹臑一純而俎亦

進下后在上膚九而俎亦橫載革順

右舉鼎七載

卒脊祝盥于洗升自西階主人盥升自阼階祝先入  
南面主人從戶內西面主婦被錫衣侈袂薦自東房  
韭菹醢醢坐奠于筵前主婦贊者一人亦被錫衣侈  
袂執葵菹羸醢以授主婦主婦不興遂受陪設于東  
韭菹在南葵菹在北主婦興入于房佐食上利執羊  
俎下利執豕俎司士三人執魚腊膚俎序升自西階  
相從入設俎羊在豆東豕亞其北魚在羊東腊在豕  
東特膚當俎北端主婦自東房執一金敦黍有蓋坐  
設于羊俎之南婦贊者執敦稷以授主婦主婦興受



坐設于魚俎南又與受贊者敦黍坐設于稷南又與受贊者敦稷坐設于黍南敦皆南首主婦與入于房祝酌奠遂命佐食啓會佐食啓會蓋二以重設于敦南主人西面祝在左主人再拜稽首祝祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗主人又再拜稽首

右迎尸之前先為陰厭

祝出迎尸於廟門之外主人降立于阼階東西面祝先入門右尸入門左宗人奉槃東面于庭南一宗人奉匱水西面于槃東一宗人奉篋中南面于槃北乃沃尸盥于槃上卒盥坐奠篋取巾興振之三以受尸

中祝延尸尸升自西階入祝從主人升自阼階祝先入主人從尸升筵祝主人西面立于戶內祝在左祝主人皆拜安尸尸不言尸答拜遂坐祝反南面尸取韭菹辯饌于三豆祭于豆間上佐食取黍稷于四敦下佐食取牢一切肺于俎以授上佐食上佐食兼與黍以授尸尸同受祭于豆祭上佐食舉尸牢肺正脊以授尸上佐食爾上敦黍于筵上右之主人羞胙俎升自阼階置于膚北上佐食羞兩鉶取一羊鉶于房中坐設于韭菹之南下佐食又取一豕鉶于房中以從上佐食受坐設于羊鉶之南皆芼皆有柶尸扱以柶祭羊鉶遂以祭豕鉶嘗羊鉶食舉三飯上佐食舉尸牢幹

尸受振祭齊之佐食受加于所上佐食羞藏兩瓦豆  
有醢亦用瓦豆設于薦豆之北尸又食食藏上佐食  
舉尸一魚尸受振祭齊之佐食受加于所橫之又食  
上佐食舉尸腊肩尸受振祭齊之上佐食受加于所  
又食上佐食舉尸牢器如初又食尸告飽祝西面于  
主人之南獨脩不拜脩曰皇尸未嘗脩尸又食上佐  
食舉尸牢肩尸受振祭齊之佐食受加于所尸不飯  
告飽祝西面于主人之南主人不言拜脩尸又三飯  
上佐食受尸牢肺正脊加于所

右尸入正祭

主人降洗爵升北面酌酒乃醑尸尸拜受主人拜送

尸祭酒啐酒賓長羞牢肝用俎縮執俎肝亦縮進末  
鹽在右尸左執爵右兼取肝揆于俎鹽振祭齊之加  
于菹豆卒爵主人拜祝受尸爵尸答拜祝酌受尸尸  
醋主人主人拜受爵尸答拜主人西面奠爵又拜上  
佐食取四敦黍稷下佐食取牢一切肺以授上佐食  
上佐食以綏祭主人左執爵右受佐食坐祭之又祭  
酒不興遂啐酒祝與二佐食皆出盥于洗入二佐食  
各取黍於一敦上佐食兼受搏之以授尸尸執以命  
祝卒命祝祝受以東北面于尸西以嘏于主人曰皇  
尸命工祝承致多福無疆于女孝孫來女孝孫使女  
受祿于天宜稼于田眉壽萬年勿替引之主人坐奠

爵興再拜稽首興受黍坐振祭齊之詩懷之實于左  
袂挂于季指執爵以興坐卒爵卒爵以興坐奠爵拜  
尸答拜執爵以興出宰夫以遷受盥黍主人嘗之納  
諸內

右主人酌尸尸醋主人命祝嘏

主人獻祝設席南面祝拜于席上坐受主人西面答  
拜薦兩豆菹醢佐食設俎牢髀橫脊一短脅一腸一  
胃一膚三魚一橫之腊兩髀屬于尻祝取菹揆于醢  
祭于豆間祝祭俎祭酒啐酒肝牢從祝取肝揆于鹽  
振祭齊之不興加于俎卒爵興主人酌獻上佐食上  
佐食戶內牖東北面拜坐取爵主人西面答拜佐食  
祭酒卒爵拜坐授爵興俎設于兩階之間其俎折一  
膚主人又獻下佐食亦如之其脅亦設于階間西上  
亦折一膚

右主人獻祝與佐食

有司贊者取爵于篚以升授主婦贊者于房戶婦贊  
者受以授主婦主婦洗于房中出酌入戶西面拜獻  
尸尸拜受主婦主人之北西面拜送爵尸祭酒卒爵  
主婦拜祝受尸爵尸答拜易爵洗酌授尸主婦拜受  
爵尸答拜上佐食綏祭主婦西面于主人之北受祭  
祭之其綏祭如主人之禮不嘏卒爵拜尸答拜主婦  
以爵出贊者受易爵于篚以授主婦于房中主婦洗

酌獻祝祝拜坐受爵主婦答拜于主人之北卒爵不  
興坐授主婦主婦受酌獻上佐食于戶內佐食北面  
拜坐受爵主婦西面答拜祭酒卒爵坐授主婦主婦  
獻下佐食亦如之主婦受爵以入于房

右主婦亞獻尸及獻祝與佐食

賓長洗爵獻于尸尸拜受爵賓尸西北面拜送爵尸  
祭酒卒爵賓拜祝受尸爵尸答拜祝酌授尸賓拜受  
爵尸拜送爵賓坐奠爵遂拜執爵以興坐祭遂飲卒  
爵執爵以興坐奠爵拜尸答拜賓酌獻祝祝拜坐受  
爵賓北面答拜祝祭酒啐酒奠爵于其筵前  
右賓長獻尸及祝

主人出立于阼階上西面祝出立于西階上東面祝  
告曰利成祝入尸謾主人降立于阼階東西面祝先  
尸從遂出于廟門

右祭祀畢尸出廟

祝反復位于室中主人亦入于室復位祝命佐食徹  
所俎降設于堂下阼階南司宮設對席乃四人養上  
佐食盥升下佐食對之賓長二人備司士進一敦黍  
于上佐食又進一敦黍于下佐食皆右之于席上資  
黍于羊俎兩端兩下是餽司士乃辯舉尊者皆祭黍  
祭舉主人西面三拜養者養者奠舉于俎皆答拜皆  
反取舉司士進一鉶于上養又進一鉶于次養又進

二豆渚于兩下乃皆食食舉卒食主人洗一爵升酌以授上暮贊者洗三爵酌主人受于戶內以授次養若是以辯皆不拜受爵主人西面三拜暮者奠爵皆答拜皆祭酒卒爵奠爵皆拜主人答一拜養者三人興出上暮止主人受上暮爵酌以醋于戶內西面坐奠爵拜上暮答拜坐祭酒啐酒上暮親嘏曰主人受祭之福胡壽保建家室主人興坐奠爵拜執爵以興坐卒爵拜上暮答拜上暮興出主人送乃退右徹所俎行餃

儀禮經傳續卷第十八

儀禮經傳續卷第十九

有司徹

祭禮三

經十七

有司徹婦堂司宮攝酒乃熬尸俎卒熬乃升羊豕魚三鼎無腊與膚乃設局鼎陳鼎于門外如初

右徹室內之饋及熬尸俎

乃議侑于賓以異姓宗人戒侑侑出候于廟門之外司宮筵于戶西南面入筵于西序東面尸與侑北面于廟門之外西上主人出迎尸宗人擯主人拜尸答拜主人又拜侑侑答拜主人揖先入門右尸入門左侑從亦左揖乃讓主人先升自阼階尸侑升自西階

西楹西北面東上

右選侑并迎尸及侑

主人東楹東北面拜至尸答拜主人又拜侑侑答拜  
乃舉司馬舉羊鼎司士舉豕鼎舉魚鼎以入陳鼎如  
初雍正執一匕以從雍府執二匕以從司士合執二  
俎以從司士贊者亦合執二俎以從匕皆加于鼎東  
枋二俎設于羊鼎西西縮二俎皆設于二鼎西亦西  
縮雍人合執二俎陳于羊俎西並皆西縮覆二疏匕  
于其上皆縮俎西枋

右門外舉鼎匕俎入陳于廟門

主人降受宰凡尸侑降主人辭尸對宰授凡主人受  
二手橫執凡揖尸主人升尸侑升復位主人西面左  
手執凡縮之以右袂推拂凡三二手橫執凡進授尸  
于筵前尸進二手受于手間主人退尸還凡縮之右  
手執外廉北面奠于筵上左之南縮不坐主人東楹  
東北面拜尸復位尸與侑皆北面答拜主人降洗尸  
侑降尸辭洗主人對卒洗揖主人升尸侑升尸西楹  
西北面拜洗主人東楹東北面奠爵答拜降盥尸侑  
降主人辭尸對卒盥主人揖升尸侑升主人坐取爵  
酌獻尸尸北面拜受爵主人東楹東北面拜送爵主  
婦自東房薦韭菹醢坐奠于筵前菹在西方婦贊者  
執昌菹醢以授主婦主婦不興受陪設于南昌在東

方興取遷于房麴黃坐設于豆西當外列麴在東方  
婦贊者執白黑以授主婦主婦不興受設于初遷之  
南白在西方興退

右主人獻尸主婦薦豆遷

乃升司馬牝羊亦司馬載載右體肩臂肫骼臠正脊  
一脰脊一橫脊一短脅一正脅一代脅一腸一胃一  
祭肺一載于一俎羊肉涪臠折正脊一正脅一腸一  
胃一濟肺一載于南俎司士牝豕亦司士載亦右體  
肩臂肫骼臠正脊一脰脊一橫脊一短脅一正脅一  
代脅一膚五濟肺一載于一俎俯俎羊左肩左肫正  
脊一脅一腸一胃一切肺一載于一俎俯俎豕左肩

折正脊一脅一膚三切肺一載于一俎阼俎羊肺一  
祭肺一載于一俎羊肉涪臂一脊一脅一腸一胃一  
濟肺一載于一俎豕脅臂一脊一脅一膚三濟肺一  
載于一俎主婦俎羊左臠脊一脅一腸一胃一膚一  
濟羊肺一載于一俎司士牝魚亦司士載尸俎五魚  
橫載之侑主人皆一魚亦橫載之皆加臠祭于其上

右司馬司士載俎

卒升賓長設羊俎于豆南賓降尸升筵自西方坐左  
執爵右取韭菹換于三豆祭于豆間尸取麴黃宰夫  
贊者取白黑以授尸尸受兼祭于豆祭雍人授次賓  
疏七與俎受于鼎西左手執俎左廉縮之卻右手執

七枋縮于俎上以東面受于羊鼎之西司馬在羊鼎  
之東二手執桃七枋以挹清注于疏匕若是者三尸  
興左執爵右取肺坐祭之祭酒興左執爵次賓縮執  
匕俎以升若是以授尸尸卻手授匕枋坐祭齊之興  
覆手以授賓賓亦覆手以受縮匕于俎上以降尸席  
末坐啐酒興坐奠爵拜告旨執爵以興主人北面于  
東楹東答拜司馬羞羊肉清縮執俎尸坐奠爵興取  
肺坐絕祭齊之興反加于俎司馬縮奠俎于羊清俎  
南乃載于羊俎卒載俎縮執俎以降尸坐執爵以興  
次賓羞羊燔縮執俎縮一燔于俎上鹽在右尸左執  
爵受燔揆于鹽坐振祭齊之興加于羊俎賓縮執俎  
以降尸降筵北面于西楹西坐左執爵以興坐奠  
爵拜執爵以興主人北面于東楹東答拜主人受爵  
尸升筵立于筵末

右主人獻尸

主人酌獻俯俛西楹西北面拜受爵主人在其右北  
面答拜主婦薦韭菹醢坐奠于筵前醢在南方婦  
者執二籩饗以授主婦主婦不興受之奠饗于醢  
南蕡在饗東主婦入于房俛升筵自北方司馬橫執  
羊俎以升設于豆東俛坐左執爵右取菹揆于醢祭  
于豆間又取饗蕡同祭于豆祭興左執爵右取肺坐  
祭之祭酒興左執爵次賓羞羊燔如尸禮俛降筵自



北方北面于西楹西坐卒爵執爵以興坐奠爵拜主人答拜

右主人獻侑

尸受侑爵降洗侑降立于西階西東面主人降自作階辭洗尸坐奠爵于篚興對卒洗主人升尸升自西階主人拜洗尸北面于西楹西坐奠爵答拜降盥主人降尸辭主人對卒盥主人升尸升坐取爵酌司宮設席于東序西面主人東楹東北面拜受爵尸西楹西北面答拜主婦薦韭菹醢坐奠于筵前菹在北方婦贊者執二籩饗主婦不興受設饗于菹西北黃在饗西主人升筵自北方主婦入于房長賓設羊俎

于豆西主人坐左執爵祭豆籩如侑之祭興左執爵右取肺坐祭之祭酒興次賓羞匕湑如尸禮席未坐啐酒執爵以興司馬羞羊肉湑縮執俎主人坐奠爵于左興受肺坐絕祭臠之興反加于湑俎司馬縮奠湑俎于羊俎西乃載之卒載縮執虛俎以降主人坐取爵以興次賓羞燔主人受如尸禮主人降筵自北方北面于阼階上坐卒爵執爵以興坐奠爵拜執爵以興尸西楹西答拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆答再拜主人及尸侑皆升就筵

右主人受尸酢

司宮取爵于篚以授婦贊者于房東以授主婦主婦  
洗于房中出實爵尊南西面拜獻尸尸拜于筵上受  
主婦西面于主人之席北拜送爵入于房取一羊釧  
坐奠于韭菹西主婦贊者執豕釧以從主婦不與受  
設于羊釧之西興入于房取糗與服修執以出坐設  
之糗在黃西脩在台式興立于主人席北西面尸坐  
左執爵祭糗修同祭于豆祭以羊釧之柶挹羊釧遂  
以挹豕釧祭于豆祭酒次賓羞豕匕涪如羊匕涪  
之禮尸坐啐酒左執爵嘗上釧執爵以興坐奠爵拜  
主婦答拜執爵以興司士羞豕脊尸坐奠爵興受如  
羊肉涪之禮坐取爵興次賓羞豕燔尸左執爵受燔  
如羊燔之禮坐卒爵拜主婦答拜受爵酌獻侑侑拜  
受爵主婦主人之北西面答拜主婦羞糗脩坐奠糗  
于甗南脩在黃南脩坐左執爵取糗脩兼祭于豆祭  
司士縮執豕脊以升侑興取肺坐祭之司士縮奠豕  
脊于羊俎之東載于羊俎卒乃縮執俎以降侑興次  
賓羞豕燔侑受如尸禮坐卒爵拜主婦答拜

右主婦亞獻

受爵酌以致于主人主人筵上拜受爵主婦北面于  
阼階上答拜主婦設二釧與糗脩如尸禮主人共祭  
糗脩祭釧祭酒受豕匕涪拜啐酒皆如尸禮嘗釧不  
拜其受豕脊受豕燔亦如尸禮坐卒爵拜主婦北面

答拜受爵

右主婦致爵于主人

尸降筵受主婦爵以降主人降俯降主婦入于房主人立于洗東北西面俯東面于西階西南尸易爵于匪盥洗爵主人揖尸俯主人升尸升自西階俯從主人北面立于東楹東俯西楹西北面立尸酌主婦出于房西面拜受爵尸北面于俯東答拜主婦入于房司宮設席于房中南面主婦立于席西婦贊者薦韭菹醢坐奠于筵前菹在西方婦入贊者執醴黃以授婦贊者婦贊者不興受設醴于菹西黃在醴南主婦升筵司馬設羊俎于豆南主婦坐左執爵右取菹揆于醢祭于豆間又取醴黃兼祭于豆祭主婦奠爵與取肺坐絕祭齊之興加于俎坐挽手祭酒啐酒次賓羞羊燔主婦興受燔如主人之禮主婦執爵以出于房西面于主人席北立卒爵執爵拜尸西楹西北面答拜主婦入立于房尸主人及俯皆就筵

右尸酢主婦

上賓洗爵以升酌獻尸尸拜受爵賓西楹西北面拜送爵尸奠爵于薦左賓降

右賓長三獻尸尸奠爵未舉

主人降洗爵尸俯降主人奠爵于匪辭尸對卒洗揖尸升俯不升主人實爵酬尸東楹東北面坐奠爵拜

尸西楹西北面答拜坐祭遂飲卒爵拜尸答拜降洗  
尸降辭主人奠爵于篚對卒洗主人升尸升主人實  
爵尸拜受爵主人反位答拜尸北面坐奠爵于薦左  
尸俯主人皆升筵乃羞宰夫羞房中之羞于尸俯主  
人主婦皆右之司士羞庶羞于尸俯主人主婦皆左  
之

右主人酬尸設羞

主人降南面拜衆賓于門東三拜衆賓門東北面皆  
答壹拜主人洗爵長賓辭主人奠爵于篚與對卒洗  
升酌獻賓于西階上長賓升拜受爵主人在其右北  
面答拜宰夫自東房薦脯醢醢在西司士設俎于豆

北羊酪一腸一胃一切肺一膚一賓坐左執爵右取  
肺揆于醢祭之執爵與取肺坐祭之祭酒遂飲卒爵  
執以興坐奠爵拜執爵以興主人答拜受爵賓坐取  
祭以降西面坐委于西階西南宰夫執爵以從設于  
祭東司士執俎以從設于薦東衆賓長升拜受爵主  
人答拜坐祭立飲卒爵不拜既爵宰夫贊主人酌若  
是以辯辯受爵其薦脯醢與香設于其位其位繼上  
賓而南皆東面其香體儀也乃升長賓主人酌酢于  
長賓西階上北面賓在左主人坐奠爵拜執爵以興  
賓答拜坐祭遂飲卒爵執爵以興坐奠爵拜實答拜  
賓降

右主人獻賓辯酌自酢

宰夫洗觶以升主人受酌降酬長賓于西階南北面  
賓在左主人坐奠爵受賓。答拜坐祭遂飲卒爵拜  
賓答拜主人洗賓辭主人坐奠爵于篚對卒洗升酌  
降復位賓拜受爵主人拜送爵賓西面坐奠爵于薦  
左

右主人洗觶酬賓賓奠薦左

主人洗升酌獻兄弟于阼階上兄弟之長升拜受爵  
主人在其右答拜坐祭立飲不拜既爵皆若是以辯  
辯受爵其位在洗東西面北上升受爵其薦香設于  
其位其先生之胥所脅一膚一其眾儀也

右主人獻兄弟於阼階

主人洗獻內賓于房中南面拜受爵主人南面于其  
右答拜坐祭立飲不拜既爵若是以辯亦有薦香

右主人獻內賓于房中

主人降洗升獻私人于阼階上拜于下升受主人答  
其長拜乃降坐祭立飲不拜既爵若是以辯宰夫贊  
主人酌主人於其羣私人不答拜其位繼兄弟之南  
亦北上亦有薦香主人就筵

右主人獻私人于阼階上

尸作三獻之爵司士羞清魚縮執俎以升尸取膾祭  
祭之祭酒卒爵司士縮奠俎于羊俎南橫載于羊俎

卒乃縮執俎以降尸奠爵拜三獻北面答拜受爵酌  
獻俯俯拜受三獻北面答拜受爵酌獻俯俯拜受三  
獻北面答拜司馬羞涪魚一如尸禮卒爵拜三獻答  
拜受爵酌致主人主人拜受爵三獻東楹東北面答  
拜司士羞一涪魚如尸禮卒爵拜三獻答拜受爵尸  
降筵受三獻酌以酢之二獻西楹西北面拜受爵尸在  
其右以授之尸升筵南面答拜坐祭遂飲卒爵拜只  
答拜執爵以降實于篚

右尸作三獻之爵三獻又獻俯及主人

二人洗解升實爵西楹西北面東上坐奠爵拜執爵  
以與尸俯答拜坐祭遂飲卒爵執爵以與坐奠爵拜

尸俯答拜皆降洗升酌反位尸俯皆拜受爵舉解者  
皆拜送俯奠解于右尸遂執解以興北面于阼階上  
酬主人主人在右坐奠爵拜主人答拜不祭立飲卒  
爵不拜既爵酌就于阼階上酬主人主人拜受爵尸  
拜送尸就筵主人以酬俯于西楹西俯在左坐奠爵  
拜執爵興俯答拜不祭立飲卒爵不拜既爵酌復位  
俯拜受主人拜送主人復筵乃升長賓俯酌之如主  
人之禮至于衆賓遂及兄弟亦如之皆飲于上遂及  
私人拜受者升受下飲卒爵升酌以之其位相酬  
辯卒飲者實爵于篚乃羞庶羞于賓兄弟內賓及私  
人

右旅酬從尸及上下無不徧

兄弟之後生者舉觶于其長洗升酌降北面立于阼階南長在左坐奠爵拜執爵以興長答拜坐祭遂飲卒爵執爵以興坐奠爵拜執爵以興長答拜洗升酌降長拜受于其位舉爵者東面答拜爵止

右兄弟舉觶於其長兄弟

賓長獻于尸如初無涪爵不止賓一人舉爵于尸如初亦遂之於下

右賓長獻尸次賓舉爵于尸更為旅酬

賓及兄弟交錯其酬皆遂及私人爵無筭尸出俯從主人送于庭門之外拜尸不顧拜俯與長賓亦如之衆賓從司士歸尸俯之俎主人退有司徹

右堂下行無筭爵禮終尸俯出主人送於庭門外若不賓尸則祝俯亦如之尸食迺盛俎臠臂臠脰脊橫脊短脅代脅皆牢魚七腊辯無髀卒盛乃舉牢肩尸受振祭臠之佐食受加于所佐食取一俎于堂下以入奠于羊俎東乃據于魚腊俎俎釋三个其餘皆取之實于一俎以出祝主人之魚腊取於是尸不飯告飽主人拜俯不言尸又三飯佐食受牢舉如饋主人洗酌醕尸賓羞肝皆如饋禮卒爵主人拜祝受尸爵尸答拜祝酌授尸尸以醋主人亦如饋其綏祭其馔亦如饋其獻祝與二佐食其位其薦胾皆如饋主

婦其洗獻于尸亦如饋

右下大夫不賓尸與賓尸異同

主婦反取籩于房中執棗糗坐設之棗在稷南糗在棗南主婦贊者執栗脯主婦不興受設之栗在糗東脯在棗東主婦興反位尸左執爵取棗糗祝取栗脯以授尸尸兼祭于豆祭祭酒啐酒次賓羞牢燔用俎鹽在右尸兼取燔揆于鹽振祭齊之祝受加于所卒爵主婦拜祝受尸爵尸答拜祝易爵洗酌授尸尸以醋主婦主婦主人之北拜受爵尸答拜主婦反位又拜上佐食綏祭如饋卒爵拜尸答拜主婦獻祝其酌如饋拜坐受爵主婦主人之北答拜宰夫薦棗糗坐設

爵興取肺坐絕祭齊之興加于俎坐揆手祭酒執爵興筵北東西立卒爵拜賓答拜賓受爵易爵于篚洗酌醋于主人尸西北面拜主人答拜卒爵拜主人答拜賓以爵降奠于篚乃羞宰夫羞房中之羞司士羞庶羞于尸祝主人主婦內羞在右庶羞在左

右賓長獻尸祝佐食并致爵主人主婦

主人降拜衆賓洗獻衆賓其薦胥其位其酬醋皆如饋禮主人洗獻兄弟與內賓與私人皆如饋禮其位其薦胥皆如饋禮卒乃羞于賓兄弟內賓及私人辯

右主人獻衆賓兄弟內賓私人辯



弟交錯其醑無筭爵利洗爵獻于尸尸酌獻祝祝受祭酒啐酒奠之主人出立于阼階上西面祝出立于西階下東面祝告于主人曰利成祝入主人降立守阼階東西面尸謾祝前尸從遂出于廟門祝反復位于室中祝命佻食徹尸俎佐食乃出尸俎于廟門外有司受歸之徹阼薦俎乃饗如饋卒饗有司官徹饋饌于室中西北隅南面如饋之設右几扉用席納一尊于室中司宮埽祭主人出立于阼階上西面祝執其俎以出立于西階上東面司宮闔牖戶祝告利成乃執俎以出于廟門外有司受歸之衆賓出主人拜送于廟門外乃反婦人乃徹徹室中之饋

儀禮經傳續卷第二十

諸侯遷廟

祭禮四

成廟將遷之新廟君前徙三日齋祝宗人及從者皆齋徙之日君玄服從者皆玄服從至于廟羣臣如朝位君入立于阼階下西向有司如朝位宗人擯舉手曰有司其請升君升祝奉幣從在左北面再拜興祝聲三曰孝嗣侯某敢以嘉幣告于皇考某侯成廟將徙敢告君及祝再拜興祝曰請導君降立於階下奉衣服者皆奉以從祝奉衣服者降堂君及在位者皆辟也奉衣服者至碑君從有司皆以次從出廟門奉衣服者升車乃步君升車從者皆就車也凡出入門

及大溝渠祝下擯至于新廟筵于戶牖間樽於西序  
下脯醢陳于房中設洗當東榮南北以堂深有司皆  
先入如朝位祝導奉衣服服者乃入君從奉衣服者  
入門左在位者皆辟也奉衣服者升堂皆反位君從  
升奠衣服于席上祝奠幣于凡東君北向祝在左贊  
者盥升適房薦脯醢君盥酌奠于薦西反位君及祝  
再拜興祝聲三曰孝嗣侯某敢用嘉幣告于皇考某  
侯今日吉日可以徙于新廟敢告再拜君就東廂西  
面祝就西廂東面在位者皆反走辟如食間擯者舉  
手曰請反位君反位祝從在左卿大夫及眾有司諸  
在位者皆反位祝三曰孝嗣侯某潔為而明薦之

享君及祝再拜君反位祝徹反位擯者曰遷朝事畢  
請就燕君出廟門卿大夫有司執事者皆出廟門告  
事畢乃曰擇日而祭焉禮大戴

諸侯釁廟

成廟釁之以羊君玄服立于寢門內南向祝宗人宰  
夫雍人皆玄服宗人曰請令以釁某廟君曰諾遂入  
雍人拭羊乃行入廟門碑南北面東上雍人舉羊升  
屋自中中屋南面割羊血流于前乃降門以雞有司  
當門北面雍人割雞屋下當門東室割雞於室中有  
司亦北面也既事宗人告事畢皆退反命于君君寢  
門中南向宗人曰釁某廟事畢君曰諾宗人請就宴

君揖之乃退禮大戴

儀禮經傳續卷二十一

二

儀禮經傳續卷第二十一

祭法

祭法

祭禮五

大宗伯之職掌建邦之天神人鬼地示之禮以佐王  
建保邦國以吉禮事邦國之鬼神示以禋祀祀昊天  
上帝以實柴祀日月星辰以禋燎祀司中司命飜師  
兩師以血祭祭社稷五祀五嶽以貍沈祭山林川澤  
以醯辜祭四方百物以肆獻裸享先王以饋食享先  
王以祠春享先王以禴夏享先王以嘗秋享先王以  
烝冬享先王諸○天子祭天地祭四方祭山川祭五  
祀歲徧諸侯方祀祭山川祭五祀歲徧大夫祭五祀  
歲徧士祭其先醜○天子祭天地諸侯祭社稷大夫

儀禮經傳續卷二十一

祭五祀天子祭天下名山大川五嶽視三公四瀆視諸侯諸侯祭名山大川之在其地者註燔柴於泰壇祭天也瘞埋於泰折祭地也用騂犢埋少牢於泰昭祭時也相近於坎壇祭寒暑也王宮祭日也夜明祭月也幽宗祭星也雩宗祭水旱也四坎壇祭四方也山林川谷丘陵能出雲為風雨見怪物皆曰神有天下者祭百神諸侯在其地則祭之亡其地則不祭禮○大凡生於天地之間者皆曰命其萬物死皆曰折人死曰鬼此五代之所不變也禮○有虞氏禘黃帝而郊嚳祖顓頊而宗堯夏后氏亦禘黃帝而郊鯀祖顓頊而宗禹殷人禘嚳而郊冥祖契而宗湯周人

禘嚳而郊稷祖文王而宗武王禮○七代之所更立者禘郊宗祖其餘不變也禮○禮不王不禘王者禘其祖之所自出以其祖配之諸侯及其太祖大夫士有大事省於其君子祫及其高祖禮○天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢禮○天子禘祫祫禘祫嘗祫諸侯祫則不禘禘則不嘗嘗則不烝烝則不祫諸侯祫禘禘一禘一祫嘗祫烝祫禮○天下有王分地建國置都立邑設廟祧壇墀而祭之乃為親疏多少之數是故王立七廟一壇一墀曰考廟曰王考廟曰皇

考廟曰顯考廟曰祖考廟皆月祭之遠廟為祧有二  
 祧享嘗乃止去祧為壇去壇為墀壇墀有禱焉祭之  
 無禱乃止去墀曰鬼諸侯立五廟一壇一墀曰考廟  
 曰王考廟曰皇考廟皆月祭之顯考廟祖考廟享嘗  
 乃止去祖為壇去壇為墀壇墀有禱焉祭之無禱乃  
 止去墀為鬼大夫立三廟二壇曰考廟曰王考廟曰  
 皇考廟享嘗乃止顯考祖考無廟有禱焉為壇祭之  
 去壇為鬼適士二廟一壇曰考廟曰王考廟享嘗乃  
 止顯考無廟有禱焉為壇祭之去壇為鬼官師一廟  
 曰考廟王考無廟而祭之去王考為鬼庶士庶人無  
 廟死曰鬼燔○父為士子為天子諸侯則祭以天子

諸侯其尸服以士服父為天子諸侯子為士祭以士  
 其尸服以士服也○武王末受命周公成文武之德  
 追王大王王季上祀先公以天子之禮斯禮也達乎  
 諸侯大夫及士庶人父為大夫子為士葬以大夫祭  
 以士父為士子為大夫葬以士祭以大夫中○王為  
 羣姓立社曰大社王自為立社曰王社諸侯為百姓  
 立社曰國社諸侯自為立社曰侯社大夫以下成羣  
 立社曰置社燔○王為羣姓立七祀曰司命曰中雷  
 曰國門曰國行曰泰萬曰戶曰竈王自為立七祀諸  
 侯為國立五祀曰司命曰中雷曰國門曰國行曰公  
 厲諸侯自為立五祀大夫立三祀曰族厲曰門曰行

適士立二祀曰門曰行庶士庶人立一祀或立戶或  
 立竈同○王下祭殤五適子適孫適曾孫適玄孫適  
 來孫諸侯下祭三大夫下祭二適士及庶人祭子而  
 止同○夫聖王之制祭祀也法施於民則祀之以死  
 勤事則祀之以勞定國則祀之能禦夫菑則祀之能  
 捍大患則祀之是故厲山氏之有天下也其子曰農  
 能殖百穀夏之衰也周棄繼之故祀以為稷共工氏  
 之霸九州也其子曰后土能平九州故祀以為社帝  
 善能序星辰以著衆堯能賞均刑法以義終舜勤衆  
 事而野死鯀鄣鴻水而殛死禹能修鯀之功黃帝正  
 名百物以明民共財顓頊能修之契為司徒而民成

冥勤其官而水死湯以寬治民而除其虐文王以文  
 治武王以武功去民之菑此皆有功烈於民者也及  
 夫日月星辰民所瞻仰也山林川谷丘陵民所取財  
 用也非此族也不在祀典同

孔子曰嗚呼哀哉我觀周道幽厲傷之吾舍魯何  
 適矣魯之郊禘非禮也周公其衰矣祀之郊也禹  
 也宋之郊也契也是天子之事守也故天子祭天  
 地諸侯祭社稷禮○諸侯之宮縣而祭以白牡擊  
 玉磬朱干設錫冕而舞大武乘大路諸侯之僭禮  
 也臺門而旅樹反坫繡黼丹朱中衣大夫之僭禮  
 也諸侯不敢祖天子大夫不敢祖諸侯而公廟之

設於私家非禮也由三桓始也擲特○三家者以  
雍徹子曰相維辟公天子穆穆奚取於三家之堂  
論語八集○季氏旅於泰山子謂冉有曰女弗  
能救與對曰不能子曰嗚呼曾謂泰山不如林放  
乎同上

儀禮經傳續卷第二十一  
儀禮經傳續卷第二十一

儀禮經傳續卷第二十二

天神

祭禮六

大宗伯掌建邦之天神人鬼地示之禮以吉禮事邦  
國之鬼神示以禋祀祀昊天上帝禱○大祝凡大禋  
祀則執明水火而號祝隋鬯逆牲逆尸令鐘鼓右亦  
如之來馨令臯舞相尸禮既祭令徹禱○司服掌王  
之吉服王祀昊天上帝則服大裘而冕祀五帝亦如  
之禱○司裘掌為大裘以共王祀天之服既○大宗  
伯以玉作六器以禮天地四方以蒼璧禮天牲幣放  
其器之色禱○典瑞掌玉瑞玉器之藏四圭有邸以  
祀天禱○玉人之事天子圭中必四圭尺有二寸以



祀天饔○天子祭天地歲徧饔○祭天埽地而祭擲

牲○祭天燔柴於泰壇用騂犢滌○祭天特牲禮○

祭天地之牛角繭栗制○大祝辨六號一曰神號禮○

○鼓人以雷鼓鼓神祀地○大司樂以六律六同五

聲八音六舞大合樂以致鬼神示以和邦國以諧萬

民以安賓客以說遠人以作動物乃分樂而序之以

祭以享以祀乃奏黃鍾歌大呂舞雲門以祀天神○

六變而致象物及天神凡樂圜鍾為宮黃鍾為角太

簇為徵姑洗為羽靈鼓靈鼗孤竹之管雲和之琴瑟

雲門之舞冬日至於地上之圜丘奏之若樂六變則

天神皆降可得而禮矣諸凡以神仕者寧三辰之慶

以猶鬼神示之居下其名物以冬日至致天神人鬼

諸○大宰祀五帝則掌百官之誓戒與其具脩前期

十日帥執事而卜日遂戒及執事祗滌濯及納亨贊

王牲事及祀之日贊王幣爵之事祀大神示亦如之

天○大宗伯凡祀大神享大鬼祭大示帥執事而卜

日宿眡滌濯滌玉鬯省牲鑊奉玉盥詔大號治其大

禮詔相王之典禮若王不與祭祀則攝位諸

右昊天天神之祀○辭皇皇上天照臨下土集地

之靈降甘風雨庶物羣生各得其所靡今靡古維

予一人某敬拜皇天之祐以禱禮

小宗伯兆五帝於四郊四望四類亦如之諸○掌次



祀五帝則張大次小次設重帟重案天○司服王服  
大裘而冕饔○大宰掌百官之誓戒與其具脩前期  
十日帥執事而卜日遂戒及執事祗滌濯及納亨贊  
王牲事及祀之日贊玉幣爵之事天○大司寇若禋  
祀五帝則戒之日涖誓自官戒于百族及納亨前五  
祭之日亦如之奉其明水火地○小司寇凡禋祀五  
帝實鑊水納亨亦如之地○士師祀五帝則沃尸及  
王盥泊鑊水地○充人掌繫祭祀之牲拴祀五帝則  
繫于牢芻之三月展牲則告拴碩牲則贊地○大司  
徒祀五帝奉牛牲羞其肆地○季秋上丁命樂正入  
學習吹大饗帝嘗犧牲告備于天子地○仲夏命樂

師脩鞀鞀鼓均琴瑟管簫執干戚戈羽調笙篳篥黃  
飭鍾磬祝敔地命有司為民祈祀山川百源大雩帝  
用盛樂乃命百縣雩祀百辟卿士有益於民者以祈  
穀實地○孟春乃以元日祈穀于上帝地  
右五帝上帝之祀○季康子問於孔子曰舊聞五  
帝之名而不知其實請問何謂五帝孔子曰昔丘  
也聞諸老聃曰天有五行水火金木土分時化育  
以成萬物其神謂之五帝古之王者易代而改號  
取灋五行五行更王終始相生亦象其義故其為  
明王者而死配五行是以太皞配木炎帝配火黃  
帝配土少皞配金顓頊配水康子曰太皞氏其始

之木何如孔子曰五行用事先起於木木東方萬物之初皆出焉是故王者則之而首以木德王天下其次則以所生之行轉相承也康子曰吾聞勾芒為木正祝融為火正蓐收為金正玄冥為水正后二為土正此五行之王而不亂稱曰帝者何也孔子曰凡五正者五行之官名五行佐成上帝而稱五帝太皞之屬配焉亦云帝從其號昔少皞氏之子有四叔曰重曰該曰修曰熙實能金木及水使重為句芒該為蓐收脩及熙為玄冥顓頊氏之子曰黎為祝融共工氏之子曰句龍為后土此五者各以其所能業為官職生為上公死為貴神別

稱五祀不得同帝康子曰陶唐有虞夏后殷周獨不得配五帝意者德不及上古邪將有限乎孔子曰古之平治水土及播殖百穀者衆矣唯句龍兼食於社而棄為稷神易代奉之無敢益者明不可與等故自太皞以降逮于顓頊其應五行而王數非徒五而配五帝是其德不可以多也家語○孔子曰誦詩三百不足以一獻一獻之禮不足以大饗大饗之禮不足以大旅大旅具矣不足以饗帝禮○惟聖人為能饗帝禮○易曰王用享為帝吉錫○天子親耕染盛秬鬯以事上帝表○季冬之月命太史次諸侯之列賦之犧牲以

共皇天上帝社稷之饗凡在天下九州之民者無  
 不成獻其力以共皇天上帝之祀○季夏命四  
 監大合百縣之秩芻以養犧牲令民無不成出其  
 力以共皇天上帝以為民祈福○仲秋命宰祝  
 循行犧牲視全具案芻養瞻肥瘠察物色必比類  
 量小大視長短皆中度五者備當上帝其饗○  
 牲孕祭帝弗用○特○聖人享以享上帝○賜鼎  
 先王以作樂崇德殷薦之上帝以配祖考○  
 周公宗祀文王於明堂以配上帝○魯人將有  
 事於上帝必先有事於類宮○桓公五年秋大  
 雩左氏傳曰書不時也凡祀啓蟄而郊龍見而雩

始殺而嘗閉蟄而烝過則書○定公元年九月大  
 雩谷梁子曰雩月雩之正也秋大雩非正也冬大  
 雩非正也秋大雩之為非正何也毛澤未盡人力  
 未竭未可以雩也雩月雩之正也月之為雩之正  
 何也其時窮人力盡然後雩雩之正也何謂其時  
 窮人力盡是月不雨則無及矣是年不艾則無食  
 矣是謂其時窮人力盡也雩之必待其時窮人力  
 盡何也雩者為旱求者也求者請也古之人重請  
 何重乎請人之所以為人者讓也請道去讓也則  
 是舍其所以為人也是以重之焉請哉請應乎上  
 公古之神人有應上公者通乎陰陽君親帥諸大

夫而以請焉夫請者非可詒託而往也必親之者也是以重之○成公七年冬大雩谷梁子曰雩不月而時非之也冬無為雩也

因天事八因地事地因名山升中于天因吉土以饗帝于郊禮○郊之祭大報天而王日配以月籩○有虞氏禘黃帝而郊嘗夏后氏禘黃帝而郊鯨殷人禘嘗而郊冥周人禘嘗而郊稷○郊之祭迎長日之至郊特迎長日之至也郊用辛周之始郊日以至上郊受命于祖廟作龜于禰宮卜之日王立于澤親聽誓命獻命庫門之內戒百官大廟之命戒百姓祭之日升以聽祭報喪者不哭不敗凶服祀掃反道鄉

為田燭弗命而民聽上祭之日王被袞以象天戴冕璪十有二旒乘素車旂十有二旒龍章而設日月以象天先於南郊掃地而祭器用陶匏○特牲牲用騂用犢帝牛不吉以為稷牛帝牛必在滌三月稷牛唯具以掛掛郊○禘郊之事則有全胥周語○郊血祭義又禮器器○夏后氏祭其闈殷人祭其陽周人祭日以朝及闇祭日於壇祭月於坎祭日於東祭月於西穀○節服氏郊祀表冕二人執戈送逆尸從車官右郊祀○傳郊之禮所以事上帝也中○祭帝於郊所以定天位也禮○郊者并百王於上天而祭之也論禮○禮行於郊而百神受職焉禮○至敬

不壇埽地而祭禮○定公問於孔子曰古之帝王必郊祀其祖以配天何也孔子對曰萬物本於天人本乎祖郊之祭也大報本反始也故以配上帝天垂象聖人則之郊所以明天道也公曰寡人聞郊而莫同何也孔子曰郊之祭也迎長日之至也大報天而主日配以月故周之始郊其月以日至其日用上辛至於啓蟄之月則又祈穀于上帝此二者天子之禮也曾無冬至大郊之事降殺於天子是以不同也公曰其言郊何也孔子曰兆丘於南所以就陽位也於郊故謂之郊焉曰其牲器何如孔子曰上帝之牛角靈粟必在滌三月后稷之

牛唯具所以別事天神與人鬼也牲用騂尚赤也用積貴誠也埽地而祭貴其質也器用陶匏以象天地之性也萬物無可稱之者故因其自然之體也公曰天子之郊其禮儀可得聞乎孔子對曰臣聞天子卜郊則受命于祖廟而作龜于禰宮尊祖親考之義也卜之日王親立于澤宮以聽誓命受教諫之義也既卜獻命庫門之內所以誠百官也將郊則天子皮弁以聽報示民嚴上也郊之日喪者不敢哭凶服者不敢入國門泥埽清路行者必止弗命而民聽敬之至也天子大裘以黼之被裘象天乘素車貴其質也旂十有二旒龍章而設以

日月所以灋天也既至泰壇王脫裘矣服衮以臨  
燔柴戴冕璪十有二旒則天數也臣聞之誦詩三  
百不足以一獻一獻之禮不足以大饗大饗之禮  
不足以一旅大旅具矣不足以饗帝是以君子無  
敢輕議於禮者也郊語○孔子曰孝莫大於嚴父  
嚴父莫大於配天則周公其人也昔者周公郊祀  
后稷以配天宗祀文王於明堂以配上帝是以四  
海之內各以其職來祭綈○尚書大傳曰維十有  
三祀帝乃稱王而入唐郊猶以丹朱為尸於時百  
執事咸昭然乃知玉世不絕爛然必自有繼祖守  
宗廟之君大傳○襄公七年夏四月三十郊不從  
乃免牲孟獻子曰吾乃今而後知有卜筮夫郊祀  
后稷以祈農事也是故啓蟄而郊郊而後耕今既  
耕而卜郊宜其不從也春秋左○僖公三十一年  
夏四月四卜郊不從乃免牲猶三望左氏曰卜郊  
不從乃免牲非禮也猶三望亦非禮也禮不卜常  
祀而卜其牲日牛卜日曰牲牲成而卜郊上怠慢  
也望郊之細也不郊亦無望可也春秋左○公羊  
子曰曷為或言三卜或言四卜三卜禮也四卜非  
禮也三卜何以禮四卜何以非禮求吉之道三禘  
嘗不卜郊何以卜卜郊非禮也卜郊何以非禮魯  
郊非禮也魯郊何以非禮天子祭天諸侯祭上天

子有方望之事無所不通諸侯山川有不在其封  
內者則不祭也曷為或言免牲或言免牛免牲禮  
也免牛非禮也免牛何以非禮傷者曰牛三望者  
何望祭也然則曷祭祭泰山河海曷為祭泰山河  
海山川有能潤于百里者天子秩而祭之觸石而  
出膚寸而合不崇朝而徧雨乎天下者唯泰山爾  
河海潤于千里猶者何通可以已也何以書譏不  
郊而望祭也○宣公三年春王正月郊牛之口傷  
改卜牛牛死乃不郊猶三望左氏曰望郊之屬也  
不郊亦無望可也○公羊子曰其言之何緩也曷  
為不復卜養牲養二十帝牲不吉則板稷牲而卜

之帝牲在于泚三月於稷者唯具是視郊則曷為  
必祭稷王者必以其祖配王者則曷為必以其祖  
配自內出者無匹不行自外至者無主不止○穀  
梁子曰之口緩辭也傷自牛作也改卜牛牛死乃  
不郊事之變也乃者已乎人之辭也○成公七年  
春王正月鼯鼠食郊牛角改卜牛鼯鼠又食其角  
乃免牛不郊猶三望穀梁子曰不言日急辭也過  
有司也郊牛日展解角而知傷展道盡矣其所以  
備災之道不盡也改卜牛鼯鼠又食其角又有繼  
之辭也其緩辭也曰已乎人矣非人之所能也所  
以免有司之過也乃免牛乃者已乎人之辭也免

牲者為之緇衣纁裳有司玄端奉送至于南郊免  
牛亦然免牲不曰不郊免牛亦然○成公十七年  
九月辛丑用郊公羊子曰用者不宜用也九月非  
所用郊也然則郊曷用郊用正月上辛或曰用然  
後郊○穀梁子曰九月辛丑用郊夏之始可以承  
春以秋之末承春之始蓋不可矣九月用郊用者  
不宜用也宮室不設不可以祭衣服不修不可以  
祭車馬器械不備不可以祭有司一人不備其職  
不可以祭祭者薦其時也薦其敬也薦其美也非  
其味也○哀公元年饑鼠食郊牛角改卜牛夏四  
月辛巳郊穀梁子曰此該郊之變而道之也於變

之中又有言焉饑鼠今郊牛角改卜牛志不敬也  
郊牛日展解角而知傷展道盡矣郊自正月至于  
三月郊之時也夏四月郊不時也五月郊不時也  
夏之始可以承春以秋之末承春之始蓋不可矣  
九月用郊用者不宜用也郊三卜禮也四卜非禮  
也五卜強也卜免牲者吉則免之不吉則否牛傷  
不言傷之者傷自牛作也故其辭緩全曰牲傷白  
牛未牲曰牛其牛一也其所以為牛者異有變而  
不郊故卜免牛也已牛矣其尚卜免之何也禮與  
其亡也寧有嘗置之上帝矣故卜而後免之不敢  
專也卜之不吉則如之何不免安置之繫而待六



月上甲始庀牲然後左右之子之所言者牲之變而曰我一諉郊之變而道之何也我以六月上甲始庀牲十月上甲始繫牲十一月十二月牲雖有變不道也待正月然後言牲之變此乃所以諉郊郊享道也貴其時大其禮其養牲雖小不備可也子不志三月卜郊何也郊自正月至于三月郊之時也我以十二月下辛卜正月上辛如不從則以正月下辛卜二月上辛如不從則不郊矣○哀公十三年公會吳晉盟吳人因于服景伯景伯謂大宰曰魯將以十月上辛有事於上帝先王季辛而畢何世有職

焉春秋左氏傳

春其帝大皞其神句芒夏其帝炎帝其神祝融中央其帝黃帝其神后土秋其帝少皞其神蓐收冬其帝顓頊其神玄冥○季冬乃畢祀帝之大臣天之神祇以上禮記月令

右配帝及帝臣

掌次朝日則張大次小次設重帘重案厭○大宗伯以實柴祀日月星辰饗○典瑞掌玉瑞玉器之藏辨其名物與其用事設其服飾王晉大圭執鎮圭縑藉五采五就以朝日○圭璧以祀日月星辰琮○玉人之事圭璧五寸以祀日月星辰終○天子玄端而朝

日於東門之外註

右日月星辰○記王宮祭日夜明祭月幽宗祭星

祭○祭日於壇祭月於坎祭日於東祭月於西義

○傳古者先王既有天下又崇立於上帝明神而

敬事之於是乎有朝日夕月以教民事君國語○

天子大采朝日與三公九卿祖識地德日中考政

與百官之政事師尹維旅牧相宣序民事少采夕

月與大史司載糾虔天刑日入監九御使繫奉禘

郊之粢盛而後即安國語○古者帝王躬率有司

百執事而以正月朝迎日于東郊所以為萬物先

而尊事天也祀上帝于南郊所以報天德迎日之

辭曰維某年月上日明光于上下勤施于四方旁

作穆穆維予一人某敬拜迎日東郊尚書○莊公

十八年日有食之穀梁子曰不言日不言朔夜食

也何以知其夜食也曰王者朝日故雖為天子必

有尊也貴為諸侯必有長也故天子朝日諸侯朝

朔

大宗伯以禋燎祀司中司命飗師雨師

右祀司中司命飗師雨師

儀禮經傳續卷第二十二

儀禮經傳續卷第二十二

十一

儀禮經傳續卷第二十三

地示

祭禮七

天子祭天地歲徧曲禮○大宗伯以黃琮禮地牲幣  
 放其器之色○典瑞兩圭有邸以祀地旅四望饒○  
 玉人兩圭五寸有邸以祀地終○祭地瘞埋於泰折  
 用駢犢縗○牛角繭栗制王○大宰祀大示則掌百官  
 之誓戒與其具脩前期十日師執事而十日遂戒及  
 執事天○大宗伯祭大示師執事而十日宿眠滌濯  
 之事官○大禮若王不與祭祀則攝位饒○凡以神仕者掌三



辰之法以猶鬼神示之居辨其名物以夏日至致地  
示物彫同○大祝辨六號三曰示號凡祭示則執明  
水火而號祝隨蠶逆牲逆尸令鐘鼓右亦如之來瞽  
令臯舞相尸禮既祭令徹同○大司樂以六律六同  
五聲八音六舞大合樂以致鬼神示疏視○乃分樂  
而序之以祭以享以祀疏視○乃奏大簇歌應鍾舞咸  
池以祭地示○一變而致羽物及川澤之示再變而  
致羸物及山林之示三變而致鱗物及丘陵之示四  
變而致毛物及墳衍之示五變而致介物及土示六  
變而致象物及天神○函鍾為宮太簇為角姑洗為  
徵南呂為羽靈鼓靈鼗孫竹之管空桑之琴瑟咸池

之舞夏日至於澤中之方丘奏之若樂八變則地示  
皆出可得而禮矣同

右地示之祭○辭薄薄之土承天之神與甘風雨  
庶卉百穀莫不茂者既安且寧維予一人某敬拜  
下土之靈大戴禮

小司徒凡建邦國立其社稷訖○小宗伯掌建國之  
神位右社稷左宗廟諸○匠人營國左祖右社終○  
王為羣姓立社曰大社王自為立社曰王社諸侯為  
百姓立社曰國社諸侯自為立社曰侯社大夫以下  
成羣立社曰置社澌○封人掌設王之社壇為畿封  
而樹之凡封國設其社稷之壇封其四疆造都邑之

封域者亦如之令社稷之職地○大司徒設其社稷之壇而樹之田主各以其野之所宜木遂以名其社與其野地○天子大社必受霜露風雨特○小子掌珥于社稷春社○社祭土日用甲特○君南鄉於北墉下特○司服王祭社稷則希冕特○天子祭社稷皆大牢諸侯祭社稷皆少牢特○大宗伯以血祭社稷特○大司馬中春教振旅遂以蒐田獻禽以祭社特○管人掌共柎而飾之凡祭祀社壇用大壘特○鼓人以靈鼓鼓社祭特○舞師教收舞帥而舞社稷之祭祀地○肆師社之日涖卜來歲之稼特○喪國之社屋之薄社北牖特○喪祝掌

邑之社稷之祝號以祭祀禱祠焉特○士而若祭勝國之社稷則為之尸特○仲春擇元日命民社特○州長若以歲時祭祀州社則屬其民而讀法特○凡州之大祭祀涖其事地○唯為社事單出里唯為社田國人畢作唯社丘乘共粢特○右社稷特○記命降于社之謂殺地禮○社所以神地之道特○祀社於國所以列地利禮○延立冢土戎醜攸行特○歸屬山氏之有天下也其子曰農能殖百穀夏之衰也周棄繼之故祀以為稷共工氏之霸九州也其子曰后土能平九州故祀以為社特○共工氏有子曰句龍為后土后土為社稷

田正色有烈山氏之子曰柱為稷自夏以上祀之  
 周棄亦為稷自商以來祀之春秋左○哀公問社  
 於宰我宰我對曰夏后氏以松殷人以栢周人以  
 栗曰使民戰栗子聞之曰成事不說遂事不諫既  
 往不咎論語○尚書已篇曰社唯松東社唯柏  
 南社唯梓西社唯栗北社唯槐春秋文義曰天子  
 之社稷廣五文諸侯半之其色如何春秋傳曰天  
 子有大社焉東方青色南方赤色西方白色北方  
 黑色上冒以黃土故將封東方諸侯青土苴以白  
 茅按神契曰仲春護禾報祭社稷以三牲通虎○  
 明堂位曰春社天子之祭也春細○用曰曰以文

齊明與我犧羊以社以方禮小○雲漢曰祈年孔  
 夙方社不莫詩大○孟子曰民為貴社稷次之君  
 為輕是故得乎丘民而為天子得乎天子為諸侯  
 得乎諸侯為大夫諸侯危社稷則變置犧牲既成  
 梁盛既潔祭祀以時然而旱乾水溢則變置社稷  
 盡心○鄭子產伐陳入之陳侯免擁社以待於朝  
春秋左○公羊子曰哀公四年六月辛丑蒲社災  
 蒲社者何亡國之社也社者封也其言災何亡國  
 之社蓋擗之擗其上而柴其下猶社災何以書記  
 災也○穀梁子曰亳社者亳之社也亳亡國也亡  
 國之社以為廟屏戒也其屋亡國之社不得達上

也公羊穀○莊公如齊觀社曹劌諫曰不可夫禮所以正民也是故先王制諸侯使五年四王一相朝也終則講於會以正班爵之義帥長幼之序訓上下之則制財用之節其間無由荒怠夫齊棄大公之法而觀民於社君為是舉而往觀之非故業也何以訓民土發而社助時也收擔而烝納要也今齊社而往觀旅非先王之訓也天子祀上帝諸侯會之受命焉諸侯祀先王先公卿大夫佐之受事焉臣不聞諸侯之相會祀也祀又不法國語王為羣姓立七祀曰司命曰中雷曰國門曰國行曰秦厲曰戶曰竈王自為立七祀諸侯為國立五祀曰

司命曰中雷曰國門曰國行曰公厲諸侯自為立五祀大夫立三祀曰族厲曰門曰行適士立二祀曰門曰行庶士庶人立一祀或立戶或立竈燔○小子掌祈于五祀饋○天子諸侯大夫祭五祀歲編禘見禮下○春祀戶祭先脾夏祀竈祭先肺中央祀中雷祭先心秋祀門祭先肝冬祀行祭先腎頌○孟冬臘五祀饗神頌年○大宗伯以血祭祭五祀饋○司服祭五祀則希冕上○司門凡歲時之門受其餘地右立祀○蔡墨曰五行之官是謂五官實列受氏姓封為上公祀為貴神社稷五祀是尊是奉木正曰句芒火正曰祝融金正曰蓐收水正曰玄冥土

正曰后土獻子曰社稷五祀誰氏之五官也對曰少皞氏有四叔曰重詼曰脩曰熙實能金木及水使重為句芒詼為蓐收脩及熙為玄冥世不失職遂濟窮桑此其三祀也顓頊氏有子犁為祝融共工氏有子曰句龍為后土此其二祀也后土為社稷田正也有烈山氏之子曰柱為稷自夏以上祀之周棄亦為稷自商以來祀之春傳左祭五祀天子諸侯以牛卿大夫以羊一說戶以羊竈以雉中雷以豚門以犬井以豕或曰中雷用牛餘不得用豚并以魚通白虎○天子祭五祀執薦者百人侍西房論子○王孫賈問曰與其媚於奧寧媚於竈何

謂也子曰不然獲罪於天無所禱也論語○天子崩未殯五祀之祭不行既殯而祭其祭也尸入三飯不侑醕不酢而已矣自啓至于反哭五祀之祭不行已葬而祭祀畢獻而已禮子小宗伯兆四望於四郊春○玉人之事兩圭五寸有邸以旅四望詒○司服祀四望則毳冕諸大司樂奏姑洗歌南呂舞大磬以祀四望同○牧人望祀各以其方之色牲毛之詒○男巫掌望祀望衍授號旁招以茅諸

右四望○傳僖公三十一年夏四月四卜郊不從乃免牲猶三望左氏曰非禮也望郊之屬也不郊



亦無望可也

天神郊祀條

○公羊子曰天子祭天諸侯

祭土天子有方望之事無所不通諸侯山川有不

在其封內者則不祭也望者何望祭也然則曷祭

祭泰山河海曷為祭泰山河海山川有能潤于百

里者天子秩而祭之觸石而出膚寸而合不崇朝

而徧雨平天下者唯泰山爾河海潤于千里猶者

何通可以已也何以書譏不郊而望祭也視天○

三正記曰郊後必有望○楚昭王有疾卜曰河為

崇大夫請祭諸郊王曰三代命祀祭不越望江漢

雖不德河非所獲罪也遂弗祭春傳○韓宣子

謂子產曰寡君寢疾並走羣望春秋左氏傳○成王盟

諸侯于岐陽岐陽之陽楚為荆蠻置茅絕設望表

與鮮卑守燎國語

小宗伯兆山川丘陵墳衍各因其方諸○山虞若祭

山林則為主而修除且蹕地○典瑞璋邸射以祀山

川諸○玉人璋邸射素功以祀山川終○司服祀山

川則毳冕諸○大宗伯以血祭祭五嶽以狸沈祭山

林川澤同○鬯人掌供秬鬯而飾之凡山川用虶同

○大司樂奏蕤賓歌函鍾舞大夏以祭山川同○舞

師掌教兵舞帥而舞山川之祭祀地○孟春命祀山

林川澤犧牲毋用牝同○仲冬天子命有司祈祀四

海大川名源淵澤并泉領○季冬乃畢山川之祀領  
○天子祭天下名山大川五嶽視三公四瀆視諸侯  
其餘山川視伯小者視子男諸侯祭名山大川之在  
其地者註制○天子諸侯祭山川歲徧曲禮

右山川○記五嶽者何謂也泰山東嶽也霍山南  
嶽也華山西嶽也常山北嶽也嵩高山中嶽也五  
嶽何以視三公能大布雲雨焉能大斂雲雨焉雲  
觸石而出膚寸而合不崇朝而雨天下施德博大  
故視三公也四瀆者何謂也江河淮濟也四瀆何  
以視諸侯能滂滌垢濁焉能適百川於海焉能出  
雲雨千里焉為施甚大故視諸侯也山川何以視

子男也能出物焉能潤澤物焉能生雲雨為恩多  
然品類以百數故視子男也書曰禋于六宗望秩  
于山川徧于羣神矣禮○三王之祭川也皆先河  
而後海記○晉人將有事於河必先有事於惡池  
齊人將有事於泰山必先有事於配林禮○周公  
祀泰山召公為尸

儀禮經傳續卷第二十三


儀禮經傳續卷第二十四

百神

祭禮八

先立春三日大史謁之天子曰某日立春盛德在木  
 天子乃齊立春之日天子親帥三公九卿諸侯大夫  
 以迎春於東郊還反賞公卿諸侯大夫於朝命相布  
 德和令行慶施惠下及兆民慶賜遂行毋有不當先  
 立夏三日大史謁之天子曰某日立夏盛德在火天  
 子乃齊立夏之日天子親帥三公九卿大夫以迎夏  
 於南郊還反行賞封諸侯慶賜遂行無不欣說先立  
 秋三日大史謁之天子曰某日立秋盛德在金天子  
 乃齊立秋之日天子親帥三公九卿諸侯大夫以迎

皇清



秋於西郊還反賞軍帥武人於朝先立冬三日大史  
謁之天子曰某日立冬盛德在水天子乃齊立冬之  
日天子親帥三公九卿大夫以迎冬於北郊還反賞  
死事恤孤寡

右迎氣

天子祭四方歲徧諸侯方祀歲徧曲禮○大宗伯以  
玉作六器以禮天地四方以青圭禮東方以赤璋禮  
南方以白琥禮西方以玄璜禮北方皆有牲幣各放  
其器之色饗○四坎壇祭四方灋○舞師教羽舞帥  
而舞四方之祭祀灋○甸人掌共秬鬯而飾之凡四  
方用釐凡鬻事用散饗○大宗伯以鬻辜祭四方  
○季秋天子乃厲飾執弓挾矢以獵命主祠祭禽于

四方

右四方

大司馬中秋教治兵遂以獮田羅幣致禽以祀枋顧

右枋

小宗伯兆五帝於四郊四類亦如之春

右四類

司民三年大比以萬民之數詔司寇司寇及孟冬祀  
司民之日獻其數于王王拜受之登于天府秋○小  
司寇孟冬祀司民獻民數於王王拜受之同○天府  
若祭天之司民司祿而獻民數穀數則受而藏之春

右司民司祿

季春天子乃薦鞠衣于先帝命

右先帝

凡始立學者必釋奠于先聖先師及行事必以幣凡  
釋奠者必有合也有國故則不世王○始立學者既  
興器用幣然後釋菜不舞不授器乃退儻于東序一  
獻無介語可也○凡學春官釋奠于其先師秋冬亦  
如之世王○大胥春入學舍采合舞秋頒學合聲譜  
○孟春命樂正入學習舞○仲春上丁命樂正習舞  
釋菜天子乃帥三公九卿諸侯大夫親往視之命○  
天子視學大昕鼓徵世王衆至然後天子至乃命有

司行事興秩節祭先師先聖焉有司事卒反命始之

養也適東序釋奠於先老世王

右先聖先師○記大學始教皮弁祭菜○未卜禘

不視學記

大司樂凡有道者有德者使教焉死則以為樂祖祭

於瞽宗春○祀先賢於西學祭○司勳凡有功者銘

書於王之太常祭於太烝司勳詔之讀

右有德有功○盤庚曰古我先王暨乃祖乃父胥

及逸勤予敢動用非罰世選爾勞予不掩爾善茲

予大享于先王爾祖其從與享之作福作災予亦

不敢動用非德誥

仲春玄鳥至至之日以大牢祠于高禘天子親往后妃帥九嬪御乃禮天子所御帶以弓韉授以弓矢于高禘之前令

### 右高禘

古者太史順時覲土陽癘憤盈土氣震發農祥晨正日月底于天廟土乃脉發先時九日太史告稷曰自今至于初吉陽氣俱烝土膏其動弗震弗渝脉其滿膏穀乃不殖稷以告王曰史帥陽官以命我司事曰距今九日土其俱動王其祗被監農不易王乃使司徒咸戒公卿百吏庶民司空除壇于籍命農大夫咸戒農用先時五日瞽告有協風至王即齊宮百官御

率各即其齊三日王乃溲濯饗醴及期鬱人薦鬯犧人薦醴王裸鬯饗醴乃行百吏庶民畢從及籍后稷監之膳夫農正陳藉禮太史贊王王敬從之王耕一撥班三之庶人終于千畝其后稷省功太史監之司徒省民大師監之國語

### 右籍田

季春乃為麥祈實令○孟冬天子乃祈來年于天宗大割祠于公社及門閭臘先祖五祀勞農以休息之令○籥章凡國祈年于田祖歛幽雅擊土鼓以樂田畯官

### 右祈麥祈年

天子大蜡八歲十二月合聚萬物而索饗之也主先  
雷而祭司雷祭百種以報雷饗農及郵表啜禽獸迎  
猶迎虎祭坊與水庸曰土反其宅水歸其壑昆蟲無  
作草木歸其澤皮弁素服葛帶榛杖黃衣黃冠而祭  
大羅氏天子之掌鳥獸者也諸侯貢屬焉草笠而至  
羅氏致鹿與女而詔客告也以戒諸侯曰好田好女  
者亡其國天子樹瓜華不斂藏之種也八蜡以記四  
方四方年不順成八蜡不通以謹民財也順成之方  
其蜡乃通既蜡而收民息已故既蜡君子不興功擲  
牲○籥章國祭蜡則歛函頌擊土鼓以息老物饗○  
黨正國索鬼神而祭祀則以禮屬民而飲酒于序以

正齒位地官

右蜡

大宗伯以鬯辜祭四方百物饗○鼓人凡祭祀百物  
之神鼓兵舞較舞者詘○鬯人掌共秬鬯而飾之凡  
鬯事用散

右百物

祭時埋少牢於泰昭祭寒暑相近於坎壇燦○籥章  
掌土鼓函籥中春書擊土鼓歛函詩以逆暑中秋夜  
迎寒亦如之春官

右祭時祭寒暑

仲春天子乃鮮羔開水泂

右司寒○傳昭公四年大雨雹季武子問於申豐  
曰雹可禦乎對曰聖人在上無雹雖有不為災古  
者日在北陸而藏冰西陸朝覲而出之其藏冰也  
深山窮谷固陰沍寒於是乎取之其出之也朝之  
祿位賓食喪祭於是乎用之其藏之也黑牡秬黍  
以享司寒其出之也桃弧棘矢以除其災其出入  
也時食肉之祿冰皆與焉大夫命婦喪浴用水祭  
寒而藏之獻羔而啓之公始用之火出而畢賦自  
命夫命婦至於老疾無不受冰山人取之縣人傳  
之與人納之隸人藏之夫冰以風壯而以風出其  
藏之也周其用之也徧則冬無愆陽夏無伏陰春

無淒風秋無苦雨雷出不震無蓄霜雹癘疾不降  
民不夭札今藏川池之水棄而不用風不越而殺  
雷不發而震雹之為蓄誰能禦之七月之卒章藏  
冰之道也春秋左氏傳

射人祭侯則為位頤○梓人祭侯之禮以酒醑醢

右侯○辭曰惟若寧侯毋或若女不寧侯不屬于  
王所故抗而射女強飲強食詒女曾孫諸侯百福

櫛人

司燿凡祭祀則祭燿頤○龜人上春釁龜祭祀先卜

春官

右先火先卜○傳孔子曰臧文仲安知禮燔柴於



奧夫奧者老婦之祭也盛於盆尊於瓶禮

天府季冬陳玉以貞來歲之徵惡春

右卜筮

校人春祭馬祖執駒夏祭先牧頒馬攻特秋祭馬社

臧僕冬祭馬走獻馬講馭夫馥○廋人及祭馬祖祭

開之先牧圉○甸祝禴牲禴馬皆掌其祝號諸

右牲馬

黨正及四時之孟月吉日則屬民而讀邦灋以糾戒

之春秋祭禘亦如之凡其黨之祭祀教其禮事掌其

戒禁○族師月吉則屬民而讀邦灋春秋祭醯亦

如之○肆師若國有大故則令國人祭歲時之祭

祀亦如之禮

右祭醯

儀禮經傳續卷第二十四

儀禮經傳續卷第二十五

宗廟

祭禮九

君子將營宮室宗廟為先廡庫為次居室為後

曲禮下

○小宗伯掌建國之神位右社稷左宗廟辨廟祧之

昭穆春官○天子七廟三昭三穆與太祖之廟而七諸

侯五廟二昭二穆與太祖之廟而五大夫三廟一昭


一穆與太祖之廟而三士一廟庶人祭於寢制○匠

人營國方九里旁三門國中九經九緯經涂九軌左

祖右社面朝後市市朝一夫夏後氏世室堂脩二七

廣四脩一五室三四步四三尺九階四旁兩夾窻白

盛門堂三之二室三之一殷人重屋堂脩七尋堂崇



三尺四阿重屋周人明堂度九尺之筵東西九筵南北七筵堂崇一筵五室凡室二筵室中度以几堂上度以筵宮中度以尋野度以步涂度以軌廟門容大扃七個闈門容小扃叁个終○室有東西廂曰廟無東西廂有室曰寢廟中路謂之唐途謂之陳閉謂之門闈○守祧掌守先王先公之廟祧若將祭祀其廟則有司脩除之其祧則守祧黜聖之制禮○隸僕掌五寢之掃除糞洒之事祭祀脩寢周禮○仲春乃脩闈扇寢廟畢備頌○有焚其先人之室則三日哭下

右廟制○傳天子不卜處大廟表○凡邑有宗廟

先君之主曰都無曰邑邑曰築都曰城春秋左傳○

子太叔之廟在道南其寢在道北春秋左傳○太廟

天子明堂明堂○山節藻梲復廟重檐刮楹達鄉

反坫出尊崇坫康圭疏屏天子之廟飾也明堂位○

清廟茅屋昭其儉也春秋左傳○莊公二十三年秋

丹栢宮楹穀梁子曰天子諸侯黜聖大夫蒼土註

丹楹非禮也○莊公二十四年春刻栢宮楹穀梁

子曰天子之楹斲之龍君之加密石焉諸侯之楹斲

之礬之大夫斲之士斲本刻楹非正也春秋穀梁傳○

國君下齊牛式宗廟曲禮○庶子之正於公族者

公若有出疆之政庶子以公族之無事者守於公

宮正室守太廟諸父守貴宮貴室諸子諸孫守下

宮下室世文王○子貢觀於魯廟之北堂出而問孔

子曰鄉者賜觀於太廟之北堂吾亦未既輟還復

瞻九蓋被皆繼邪彼有說邪匠過絕邪孔子曰太

廟之堂亦嘗有說官致良工因麗節文非無良材

也蓋曰貴文也荀對○魯公之廟文世室也武公

之廟武世室也明堂○文公十三年世室屋壞公

羊子曰世室魯公之廟也周公稱大廟魯公稱世

室羣公稱宮此魯公之廟也曷為謂之世室世室

猶世室也世世不毀也周公何以稱大廟于魯封

魯公以為周公也○穀梁子曰大室屋壞者有壞

道也譏不脩也大室猶世室也周公曰大廟伯禽

曰大室群公曰宮禮宗廟之事君親割夫人親春

敬之至也為社稷之主而先君之廟壞極稱之志

不敬也梁公羊穀○成公三年新宮災三日哭公羊

子曰宣公之宮也曷為謂之新宮不忍言也其言

三日哭何廟災三日哭禮也○穀梁子曰三日哭

哀也其哀禮也近不敢稱謚恭也其辭恭且哀

以成公為無譏矣

措之廟立之主曰帝曲禮○七廟五廟無虛主虛主

者唯天子崩諸侯薨與去其國與祫祭於祖為無主

天子崩國君薨則祔取群廟之主而藏諸祖廟卒哭

成事而後主各反其廟君去其國大宰取羣廟之主  
 以從禘祭於祖則祝迎四廟之主主出廟入廟必蹕  
問曾子○小史掌邦國之志莫繫世辨昭穆若有事則  
 詔王之忌諱諱○守祧掌守先王先公之廟祧其遺  
 衣服藏焉若將祭祀則各以其服授尸既祭則藏其  
 隋與其服垺○天府掌祖廟之守藏與其禁令凡國  
 之玉鎮大寶器藏焉若有大祭則出而陳之既事藏  
 之上春釁寶鎮及寶器若遷寶則奉之垺○庶子之  
 正於公族者其在軍則守於公禰世垺

右守藏○記凡君薨卒哭而祔祔而作主特祀於  
 主祭嘗禘於廟春秋左傳文公二年春王二月

丁丑作禧公主公羊子曰作禧公主者何為禧公  
 作主也主者曷用虞主用桑練主用栗用栗者藏  
 主也作僖公主何以書譏不時也其不時奈何欲  
 久喪而後不能也○穀梁子曰立主喪主於虞吉  
 主於練作僖公主譏其後也作主壞廟有時日於  
 練焉壞廟壞廟之道易檐可也改塗可也○曾子  
 問曰喪有二孤廟有二主禮與孔子曰天無二日  
 土無二王嘗禘郊社尊無二上未知其為禮也昔  
 者齊桓公亟舉兵作僞主以行及反藏諸祖廟廟  
 有二主自桓公始也問曾子○文公二年八月丁卯  
 大事于大廟躋僖公左氏曰逆祀也○於是夏父

弗忌為宗伯尊僖公且明見曰吾見新鬼大故鬼  
小先大後小順也躋聖賢明也明順禮也君子以  
為失禮禮無不順祀國之大事也而逆之可謂禮  
乎子雖齊聖不先父食久矣故禹不先鯀湯不先  
契文武不先不窋宋祖帝乙鄭祖厲王猶上祖也  
是以魯頌曰春秋匪解享祀不忒皇皇后帝皇祖  
后稷君子曰禮謂其后稷親而先帝也詩曰問我  
諸姑遂及伯姊君子曰禮謂其姊親而先姑也仲  
尼曰臧文仲其不仁者三不知者三下展禽廢六  
闕妾織蒲三不仁也作虛器縱逆祀祀爰居三不  
知也○國語曰夏父弗忌為宗烝將躋僖公宗有

司曰非昭穆曰我為宗伯明者為昭其次為穆何  
常之有有司曰夫宗廟之有昭穆也以次世之長  
幼而等曾之親疏也夫祀昭孝也各致齊敬於其  
皇祖昭孝之至也故工史書世宗祝書昭穆猶恐  
其踰也今將先明而後祖自玄王以及主癸莫若  
湯自稷以及王季莫若文武商周之烝也未嘗躋  
湯與文武為不踰也魯未若商周而改其嘗無乃  
不可乎弗聽遂躋之展禽曰夏父弗忌必有殃夫  
宗有司之言順矣僖又未有明焉犯順不祥以逆  
訓民亦不祥易神之班亦不祥不明而躋之亦不  
祥犯鬼道二犯人道二能無殃乎○公羊子曰

大事者何大禘也大禘者何合祭也其合祭奈何  
毀廟之主陳于太祖未毀廟之主皆升合食于大  
祖五年而再殷祭躋者何升也何言乎升僖公譏  
逆祀也其逆祀奈何先禰而後祖也○穀梁傳曰  
大事者何大是事也著禘嘗禘祭者毀廟之主陳  
于太祖未毀廟之主皆升合祭于太祖躋升也先  
親而後祖也逆祀也逆祀則是無昭穆也無昭穆  
則是無祖也無祖則無天也故曰文無天無天者  
是無天而行也君子不以親親害尊尊此春秋之  
義也○僖公八年秋七月禘于大廟用致天人○  
左氏傳曰禘而致羸姜焉非禮也凡夫人不薨于

寢不殯于廟不赴于回不附于姑則弗致也○定

公八年冬十月順祀先公而禘焉辛卯禘于僖公

春秋左氏傳公羊子曰從祀先公從祀者何順祀也文

公逆祀去者三人定公順祀叛者五人穀梁子曰

貴復正也左氏傳○衛孔悝出奔宋使貳車

反柘於西園春秋左氏傳○桓公二年三月公會齊侯

陳侯鄭伯于稷以成宋亂夏四月取郟大鼎于宋

戊申納于大廟非禮也臧哀伯諫曰君人者將昭

德塞違以臨照百官猶懼或天之故昭令德以示

子孫是以清廟茅屋大路越席大羹不致粢食不

鑿昭其儉也衮冕黻珽帶裳幅舄衡紘紕紕昭其

度也藻率鞞鞞厲游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律今滅德立違而寘其賂器於大廟以明示百官百官象之其又何誅焉國家之敗由官邪也官之失德寵賂章也郟鼎在廟章孰甚焉武王克商遷九鼎于雒邑義士猶或非之而况將昭違亂之賂器於大廟其若之何公不聽棼氏○穀梁子曰相內弑其君外成人之亂受賂而退以事其祖非禮也其道以周公為弗受也郟

鼎者郟之所為也曰宋取之宋也以是為討之也孔子曰名從主人物從中國故曰郟大鼎也○襄公六年齊侯滅萊獻萊宗器于襄宮左○自天子達於庶人喪從死者祭從生者支子不祭王諸侯不敢祖天子大夫不敢祖諸侯祭○有元疾者不得入乎宗廟穀梁

右祭主○傳武王末受命周公成文武之德追王大王王季上祀先公以天子之禮斯禮也達乎諸侯大夫及士庶人父為大夫子為士葬以大夫祭以士父為士子為大夫葬以士祭以大夫期之喪達乎大夫三年之喪達乎天子父母之喪無貴賤



一也。斂。○父為士，子為天子，諸侯則祭以天子諸侯其尸，服以士服。父為天子，諸侯子為士，祭以士其尸，服以士服。喪服○支子不祭，祭必告于宗子。尚禮○庶子不祭祖。○庶子不祭禴。○庶子不祭烝與無後者。烝與無後者，祖從禘食也。○庶子若富則具二牲，獻其賢者於宗子，夫婦皆齊而宗致焉。終事而后敢私祭。○曾子問曰：宗子為士，與子為大夫，其祭也如之何？孔子曰：以上牲祭於宗子之家，祝曰：孝子某為介子某，為其常事。若宗子有罪，居于他國，庶子為大夫，其祭也祝曰：孝子某使介子某執其常事。攝主不厭祭，不旅，不假，不祓，祭不配，布奠於賓，賓奠而不舉，不歸肉。其辭于賓曰：宗兄宗弟宗子在他國，使某辭。○曾子問曰：宗子去在他國，庶子無爵而居者，可以祭乎？孔子曰：祭哉！請問其祭如之何？孔子曰：望墓而為壇，以時祭。若宗子死，告於墓而后祭於家。宗子死，稱名不言孝，身沒而已。子游之徒有庶子祭者，以此若義也。今之祭者，不首其義，故誣於祭也。贈子○

大宗伯之職，掌建邦之天神、人鬼、地示之禮，以佐王建保邦國。以吉禮事邦國之鬼神，示滌，以肆獻裸享先王，以饋食享先王，以祠春享先王，以禴夏享先王，以嘗秋享先王，以烝冬享先王。○天子諸侯宗廟之

祭春曰禘夏曰禘秋曰嘗冬曰烝烝而烝禘禘左○古者先王日祭月享時類歲祀諸侯會日卿大夫舍月士庶人舍時類○大宗伯享大鬼帥執事而卜日○太宰享先王前期十日帥執事而卜日

在時日○傳春祭曰祠夏祭曰禴秋祭曰嘗冬祭曰烝春薦韭卯夏薦麥魚秋薦黍豚冬薦稻薦三歲一禘五年一禘禘者合也禘者諦也禘者大合祭於祖廟也禘者諦其德而差優劣也禘○公羊子曰大禘者何合祭也其禘祭奈何毀廟之主陳于太祖未毀廟之主皆升合食于太祖五年而

再殷祭○桓公八年正月己卯烝穀梁子曰烝冬事也春與之志不時也夏五月丁丑烝烝冬事也春夏與之黷祀也志不敬也○公羊子曰春曰祠夏曰禴秋曰嘗冬曰烝常事不書此何以書譏亟也亟則黷黷則不敬君子之祭也敬而不黷踈則怠怠則忘士不及茲四者則冬不裘夏不葛○閔公二年夏五月乙酉吉禘于莊公左氏曰速也○穀梁子曰吉禘者不吉者也喪事未畢而舉吉祭故非之也○公羊子曰言吉者未可以吉也曷為未可以吉未三年也三年矣曷為謂之未三年三年之喪實以二十五月其言于莊公何未可以稱

宮廟也曷為未可以稱宮廟在三年之中矣吉禘

于莊公何以書譏始不三年也春秋左傳穀梁○

襄公十五年冬十有一月晉侯周卒十六年春正

月葬晉悼公平公即位改服脩官烝于曲沃冬穆

叔如晉聘且言齊故晉人曰以寡君之未禘祀不

然不敢忘春秋左傳昭公元年十二月晉既烝趙

孟適南陽將會孟子餘甲辰朔烝于温春秋左傳○

孟獻子曰正月日至可以有事於上帝七月日至

可以有事於祖七月而禘獻子為之也春秋左傳

大宰掌百官之誓戒前期十日帥執事而卜日遂戒

○世婦掌女宮之宿戒春秋左傳○及時將祭君子乃齊

散齊七日致齊三日禮記○致齊於內散齊於外齊之

日思其居處思其笑語思其志意思其所樂思其所

嗜齊三日乃見其所為齊者禮記○先期旬有一日宮

宰宿夫人夫人亦散齊七日致齊三日君致齊於外

夫人致齊於內禮記

右齊戒

大宗伯享大鬼宿眡滌濯灌玉鬯省牲鑊奉玉盥禮記

○太宰享先王則掌百官之誓戒與其具脩及執事

眡滌濯禮記○世婦及祭祀比其具帥六宮之人共盥

盛禮記○寺人若有祭祀之事則帥女宮而致於有司

盥禮記○世婦掌祭祀之事帥女宮而濯概為盥盛及祭

之日泄陳女宮之具凡內羞之物同○女御凡祭祀贊世婦同○寺人佐世婦治禮事同○閹人大祭祀之事設門燎躡宮門廟門同○宮正凡邦之事躡宮中廟中則執燭同○內豎若有祭祀之事則為內人躡同○天府凡吉凶之事祖廟之中沃盥執燭諸右具脩

司服掌王之吉凶衣服辨其名物與其用事享先王則掌冕享先公則驚冕○追師掌王后之首服為副編次追衡筭為九嬪及外內命婦之首服以待祭祀天○內司服掌王后之六服禕衣揄狄闕狄鞠衣展衣緣衣素沙辨外內命婦之服鞠衣展衣緣衣素沙

凡祭祀共后之衣服及九嬪世婦凡命婦共其衣服同○王后禕衣夫人揄狄君命屈狄再命禕衣一命禮衣士祿衣唯世婦命於奠繭其他則皆從男子王右祭服

小史大祭祀讀禮灋史以書序昭穆之俎盥諸○司凡筵王設莞筵紛純左纁席畫純加次席黼純左右玉几祀先王昨席亦如之諸侯祭祀席蒲筵績純加莞席紛純右雕几昨席莞筵紛純加纁席畫純凡吉事變几凶事仍几同○天府凡國之玉鑊大寶器藏焉若有大祭則出而陳之既事藏之同○典庸器祭祀帥其屬而設筭虞陳庸器同○肆師展器陳告備

上同

右陳設○記鋪筵設同几繅○鬼神之祭單席禮器

○廟堂之上壘尊在阼犧尊在西廟堂之下縣鼓

在西應鼓在東禮○玄酒在室醴醑在戶染醅在

堂登酒在下禮

君夫人會於大廟君純冕立於阼夫人副褱立於東

房君執圭瓚禮戶大宗執璋瓚亞裸繅○玉人裸圭

尺有二寸有瓚以祀廟禮○典瑞裸圭有瓚以肆先

王禮○司尊彝掌六尊六彝之位詔其酌辨其用與

其實春祠夏禴裸用雞彝鳥彝皆有舟其朝踐用兩

獻尊其再獻用兩象尊皆有壘諸臣之所昨也秋嘗

冬烝裸用羊彝黃彝皆有舟其朝獻用兩著尊其瓚

獻用兩壘尊皆有壘諸臣之所昨也凡四時之間祀

追享胡尊裸用虎彝禮彝皆有舟其朝踐用兩大尊

其再獻用兩山尊禮皆有壘諸臣之所昨也凡六彝六

尊之酌鬱齊獻酌醴齊縮酌盎齊浼酌凡酒修酌禮

○小宗伯辨六彝之名物以待果將禮○鬯人掌共

秬鬯而飾之廟用修凡裸事用概禮○鬱人掌裸器

凡祭祀之裸事和鬱鬯以實彝而陳之凡裸玉濯之

陳之以贊裸事詔裸將之儀與其節凡裸事沃盥禮

○肆師及果築鬱禮○小宰凡祭祀贊裸將之事禮

○小宗伯凡祭祀以時將瓚果禮○內宰大祭祀后

裸則贊璠爵亦如之。既。諸侯賜圭瓚然後為瓚。  
未賜圭瓚則資瓚於天子。註

右初獻。○記祭之屬莫重於裸。○主度記曰天子  
子匏諸侯薰大夫芑蘭士蕪庶人艾秬者黑黍一  
稔二米匏者以百草之香鬱金合而釀之成為匏  
陽達於墻屋入于淵泉所以灌地降神也。玉瓚者  
器名也。所以灌匏之器也。以圭飾其柄。瓚貴玉  
器也。通。○諸侯之有德者三命以秬匏。○不得  
賜匏者資於天子。然後祭。尚。○有虞氏之祭也  
尚用氣。血腥爛。殷人尚聲。臭味未成。滌蕩其聲。樂  
三闋。然後出迎牲。周人尚臭。灌用匏。臭鬱金。瓚灌。

以圭璋既灌然後迎牲。蕭合黍稷既奠然後燔蕭。  
合羶。羶。特。○成王以周公為有勳勞於天下。命

魯公。世世祀周公。以天子之禮樂。是以魯君季夏  
六月。以禘禮祀周公於太廟。牲用白牡。尊用犧象  
山壘鬱。尊用黃目。灌用玉瓚。大圭薦用玉豆。雕篋  
爵用玉琖。仍雕加以璧散。璧角俎用琄。歲并歌。清  
廟下管象。朱干玉戚。冕而舞大武。皮弁素積。湯而  
舞大夏。昧東夷之樂也。任南蠻之樂也。納夷蠻之  
樂於太廟。言廣魯於天下也。明。○子曰。禘自既  
灌而往者。吾不欲觀之矣。或問禘之說。子曰。不知  
也。知其說者之於天下也。其如示諸斯乎。指其掌

俞○襄公二十八年十一月乙亥齊嘗于大公之廟慶舍泄事麻嬰為尸慶奠為上獻春秋左傳

祭之日君牽牲穆荅君卿大夫序從既入廟門麗于碑卿大夫袒而毛牛尚耳鸞刀以割取腓骨乃退爛

祭祭腥而退繇○及迎牲君執紉卿大夫從士執芻宗婦執盞從夫人薦浼水君執鸞刀羞齊夫人薦豆

繇○夫人薦豆執校執醴授之執鐙繇○建設朝事燔燎羶鄉見以蕭光以報氣薦黍稷羞肝肺首心見

閒以俛無加以鬱鬯以報晁繇○祭黍稷加肺祭齊加明水取腓骨燔燎升首君再拜稽首肉袒親割舉

學角詔安尸特○蕭合黍稷既奠然後炳蕭合羶

鄉○廟堂之上壘尊在阼犧尊在西廟堂之下縣鼓在西應鼓在東君在阼夫人在房君西酌犧象夫人

東酌壘尊禮交動乎上樂交應乎下禮○貴者獻以爵賤者獻以散尊者舉觶卑者舉角禮○玄酒在室

醴醎在戶染醴在堂澄酒在下陳其犧牲備其鼎俎列其琴瑟管磬鐘鼓脩其祝嘏以降上神與其先祖

作其祝號玄酒以祭薦其血毛腥其俎孰其箝與其越席疏布以幕衣其幹帛醴醎以獻薦其蟠炙君與

夫人交獻以嘉魂魄是謂合莫然後退而合亨體其犬豕牛羊實其簠簋豆鉶羹祝以孝告嘏以慈告

是謂大祥禮○納牲詔於庭血毛詔於室羹定詔於

堂三詔皆不同位設祭於堂為祊乎外禮○詔祝於室坐尸於堂用牲於庭升首於室直祭祝于主索祭祝于祊擲特○大祝凡肆享則執明水火而號祝隋○大司馬大祭祀王后不與則攝而薦豆籩徹春○大宰及納亨贊王牲事贊玉凡玉爵天○大司徒享先王奉牛牲羞其肆○內饗凡宗廟之祭祀掌割享之事天○大司馬大祭祀羞牲魚授其祭饋○九嬪凡祭祀贊玉盥贊后薦徹豆籩天○外宗掌宗廟之祭祀佐王后薦玉豆盱豆籩及以樂徹亦如之王后

以樂羞盥則贊凡王后之獻亦如之王后不與則贊宗伯小祭祀掌事亦如之春○內宗掌宗廟之祭祀薦加豆籩王后有事則從諸○內宰大祭祀后裸獻則贊瑤爵亦如之正后之服位而詔其禮樂之儀贊九嬪之禮事天○內小臣若有祭祀則擯詔后之禮事相九嬪之禮事正內人之禮事天○世婦詔王后之禮事相外內宗之禮事諸○公族其在宗廟之中則如外朝之位宗人授事以爵以官其登餽獻受爵則以上嗣世狂

右餘獻○記君卷冕立于阼夫人副褱立于房中君肉袒迎牲于門夫人薦豆籩卿大夫贊君命婦



贊夫人各揚其職百官廢職服大刑明堂君親牽

牲大夫贊幣而從繇君親制祭夫人薦盞君親割

牲夫人薦酒卿大夫從君命婦從夫人禮○祭有

昭穆有事於大廟則羣昭羣穆咸在而不失其倫

祭○女子觀於祭祀納酒漿籩豆菹醢禮相助奠

則

及入舞君親干戚就舞位君為東上冕而摠干率其

羣臣以樂皇尸繇○大司樂奏夷則歌小呂舞大濩

以享先妣奏無射歌夾鍾舞大武以享先祖譜○鼓

人以路鼓鼓鬼享地○大司樂黃鍾為宮大呂為角

大族為徵應鍾為羽路鼓路鼓陰竹之管龍門之琴

瑟九德之歌九磬之舞於宗廟之中奏之若樂九變

則人鬼可得而禮矣譜○屢擊鳴球搏拊琴瑟以詠

祖考來格虞實在位羣后德讓下管鼓鼓合止祝啟

笙鏞以間鳥獸蹌蹌蕭韶九成鳳凰來儀譜益

右樂舞○傳聲莫重於升歌舞莫重於武宿夜繇

○尚書大傳曰古者帝王升歌清廟大琴練絃達

越大琴朱絃達越以韋為鼓謂之搏拊何以也君

子有大人聲不以鍾鼓琴瑟之聲亂人聲清廟升

歌者歌先人之功烈德澤也故欲其清也其歌之

呼也曰於穆清廟於者歎之也穆者敬之也清者

欲其在位者徧聞之也故周公升歌文王之功烈

德澤苟在廟中見文王者愀然如見文王故書曰搏拊琴瑟以詠祖考來假此之謂也○尚書大傳曰諸侯有德者一命以車服弓矢再命以虎賁三百人三命以鉅鬯諸侯三命者皆受天子之樂以祀其宗廟所以褒有功而章有德之義也未命者不得用天子之樂祀其宗廟○魯隱公五年考仲子之宮將萬馬公問羽數於眾仲對曰天子用八諸侯用六大夫四士二夫舞所以節八音而行八風故自八以下公從之於是初獻六羽始用六佾也春秋左氏傳○公羊子曰譏始僭諸公也六羽之為僭柰何天子八佾諸公六諸侯四○尸子曰舞夏

天子至諸侯皆用八佾初獻六羽始厲樂矣穀梁

○三家者以雍徹子曰相維辟公天子穆穆奚取於三家之堂論語

祭之日一獻君降立于阼階之南南鄉所命北面史由君右執策命之再拜稽首受書以歸而舍奠于其

**廟**

右因祭策命○傳王在新邑烝祭歲文王駢牛一

武王駢牛一王命作冊逸祝冊惟告周公其後王

賓殺禋咸格王入太室裸王命周公後作冊逸誥

尸酢夫人執柄夫人受尸執足繹○膳夫凡王祭祀

則徹王之胾俎既○內小臣徹后之俎上同

右尸酢

夫婦相授受不相襲處酢必易爵統祭

右致爵

尸飲五君洗玉爵獻卿尸飲七以瑤爵獻大夫尸飲九以散爵獻士及羣有司皆以齒統祭○凡賜爵昭為一穆為一昭與昭齒穆與穆齒凡羣有司皆以齒統祭○司士凡祭祀及賜爵呼昭穆而進之統祭○凡為俎者以骨為主殷人貴髀周人貴肩凡前骨於後貴者取貴骨賤者取賤骨貴者不重賤者不虛統祭

右獻酬賜俎○傳曾子問曰祭如之何則不行旅酬之事矣孔子曰聞之小祥者主人練祭而不旅

奠酬於賓賓弗舉禮也昔者魯昭公練而舉酬行

旅非禮也孝公大祥奠酬弗舉亦非禮也禮記○

因其酒肉聚其宗族以教民睦也坊記

尸設君與卿四人餞君起大夫六人餞大夫起士八

人餞士起各執其具以出陳于堂下百官進徹之統祭

其登餞受爵則以上嗣世世

右餞

大祝既祭令徹統祭○九嬪贊后徹豆籩統祭○外宗佐

王后薦玉豆眡豆籩及以樂徹亦如之統祭○內宗及

以樂徹則佐傳豆籩統祭○大宗伯凡大祭祀王后不

與則攝而徹

右徹

索祭祝于祊郊持○祝祭于祊祀事孔明詩楚○設

祭于堂為祊乎外禮○君牽牲夫人奠盞君獻尸夫

人薦豆卿大夫相君命婦相夫人饔人

右祊○記閔謂之門繹又祭也夏曰復胙商曰彤

周曰繹彌○傳詔祝於室坐尸於堂用牲於庭升

首於室直祭祝于主索祭祝于祊不知神之所在

於彼乎於此乎或諸遠人乎祭于祊尚曰求諸遠

者與祊之為言倥也郊特○設祭于堂為祊乎外

故曰於彼乎於此乎禮○詔祝於室而出于祊此

交神明之道也祭○宣公八年六月辛巳有事于

大廟仲遂卒于垂壬午猶繹○穀梁子曰繹者祭

之旦日之享賓也○公羊子曰繹者何祭之明日

也○詩曰明發不寐有懷二人文王之詩也祭之

明日明發不寐饗而致之又從而思之繹○衛莊

公改舊制變宗廟易朝市高子墨問於孔子曰周

禮繹祭於祊祊在廟門之西前朝而後市今衛君

更之如之何孔子曰繹之於庫門內祊之於東方

市朝於西方失之矣家語曲禮

獻人春獻王鮪天○仲春天子乃鮮羔開冰先薦寢

廟○季春天子始乘舟薦鮪于寢廟○孟夏天子乃

以彘嘗麥先薦寢廟○仲夏天子乃以雛嘗黍羞以

合桃先薦寢廟○孟秋農乃登穀天子嘗新先薦寢廟○仲秋以犬嘗麻先薦寢廟○季秋天子乃以犬嘗稻先薦寢廟○季冬天子乃嘗魚先薦寢廟○右薦新○記未嘗不食新穀○四之日其蚤獻羔祭韭

大史正歲年以序事領之于官府及都鄙頒吉朔于邦國諱○天子玄端聽朔於南門之外閏月則闔門左扉立于其中諸侯皮弁以聽朔於太廟燕○右告朔○傳季康子朝服以縞曾子問於孔子曰禮乎孔子曰諸侯皮弁以告朔然後服之以視朝若此禮者也諱○文公六年閏月不告月猶朝于

廟左氏曰閏月不告朔非禮也閏以正時時以作事事以厚生生民之道於是乎在矣不告閏朔弃時政也何以爲民○穀梁子曰不告月者不告朔也不告朔則何爲不言朔也閏月者附月之餘日也積分而成於月者也天子不以告朔而喪事不數也猶之爲言可以已也○公羊子曰曷爲不告朔天無是月也閏月矣何以謂之天無是月非常月也猶者何通可以已也○文公十六年夏五月公四不視朔○左氏曰疾也○穀梁子曰天子告朔于諸侯諸侯受乎禰廟禮也公四不視朔公不臣也以公爲厭政以甚矣○公羊子曰公曷爲四

不視朔公有疾也何言乎公有疾不視朔自是公  
無疾不視朔也然則曷為不言公無疾不視朔有  
疾猶可言也無疾不可言也○襄公二十九年春  
王正月公在楚釋不朝正于廟也春秋左氏傳○子貢  
欲去告朔之餼羊子曰賜也爾愛其羊我愛其禮

論語

儀禮經傳續卷第二十五

